

三界表解 3：無色界四天

釋道淨 依佛學辭典整理 20240714 3 稿 微信 qq 973451196 禁止商用篡改 法律責任必究

表 4：（4 表）滅盡定 滅受想定 滅受想次第定（表格從下向上觀看）

滅盡定 滅受想定 滅受想次第定	入此定時，一切受領思想之心，一時滅盡，都無見聞覺知，出入之息亦盡，是名滅盡定無心。
	滅受想次第定，止息一切心識之定，以是為禪定之至極。為心不相應行之一，七十五法之一，百法之一。
	滅盡定者，謂已離無所有處欲，超過有頂，暫息想作意為先故，於不恆行諸心心法及恆行一分心心法滅。 假立滅盡定，此中所以不言未離上欲者，為顯離有頂欲，阿羅漢等亦得此定故。一分恆行者，謂染汙意所攝。 此定為佛及俱解脫阿羅漢，遠離定障所得，即以現法涅槃之勝解力而修者。聖者所修禪定。
	滅受想次第定，滅受想者，即受想心滅，而不復起。 修禪定，從非有想非無想入滅受想定時，其心明利，次第而入，無有雜念間隔，是為滅受想次第定。 若得此定，不久即證阿羅漢果也。（梵語阿羅漢，華言無學，又云無生。）
	《百法直解》曰：“滅盡定者，三果以上聖人，欲暫止息受想勞慮，依於非想非非想定，遊觀無漏以為加行，乃得趣入，入此定已，前六識心及心所一切不行，惟第七識俱生法執，與第八識仍在，不離根身，依此身心分位假立。” 《百法纂解》謂：“言滅盡定者，六識王所已滅，及七識染分心聚皆悉滅盡，乃此定相。” 修無想定，前六識不起現行；修滅盡定，兼滅第七識的染分心王心所。
	滅盡定與無想定四義不同（出宗鏡錄） 此滅盡定與無想定合稱‘二無心定’，但無想定唯異生凡夫所得，此定則為佛及俱解脫阿羅漢遠離定障所得。 滅盡定者，謂受想心滅，出入息盡，身證此定，能斷見、思煩惱，而證聖果。 無想定者，謂能於定中心想不起，如冰魚蟄蟲，不能斷惑證入聖果。 故此二定，有四種勝劣之義也。（見、思即見、思二惑也。謂意根對法塵起諸分別，名見惑；眼等五根對色等五塵起諸貪愛，名思惑也。） 一、約得人異，謂羅漢聖人，由受想心滅而證滅盡之定；外道凡夫由妄計無想以為至道，而證無想之定。 此之二定，有世間、出世間之不同，故云約得人異也。（受想者，受謂領受；想謂想像，即五陰中之二也。） 二、祈願異，謂入滅盡定者，則息諸想念，斷除貪愛之心，唯求出世功德； 入無想定者，則妄計心無想慮，以為解脫，唯求世間樂果，故云祈願異也。 三、感果不感果異，謂無想定，是有漏業，能感無想天果報；滅盡定，是無漏業，不感三界生死果報。故云感果不感果異也。 四、滅識多少，謂滅盡定既滅第六識已，兼能滅第七識染分；無想定但滅第六識分別之見，而諸邪見則未能盡斷，故云滅識多少也。 （第六識即意識，第七識即傳送識，又云執我識。染分者，我痴、我見、我慢、我愛之四惑也。）
	入滅盡定，識不離身。入滅盡定時，有二種法，多有所作，謂奢摩他，毗鉢舍那。異生不能入滅盡定，菩薩不能入滅盡定。
	諸宗派對此定有各種異說： 有部主張此定別有實體，能久時令心、心所法滅，而且出定之心繫以前入定之心為等無間緣。 但是，經量部與唯識宗不認其為實法，唯於心、心所不轉之分位假立此定。 經量部更認為色心二法得之為種子，出定之心繫由有根身所生起。 唯識家謂於此定中，亦有阿賴耶識，如壽暖等不離其身。分別論者認為滅盡定唯滅想、受，仍有細心未滅，故名滅受想。
	關於入定的期間，依《大毗婆沙論》卷一五三所述，欲界之有情由段食扶持諸根大種，故若久在定中，在定中不損身，但後來出定時身即散壞，因此入定期間不得超過七晝夜；而色界有情之諸根非由段食任持，故可經半劫或一劫。

表 3：（4 表）無色界四天（表格從下向上觀看）

三界 六道 無色界四天			四定		生因	壽命	三定	立名
無色界四天	四、非想非非想處天	1、無色界極頂，思惟非想非非想相而安住。 2、非無所有處天無想，非識處天有想。 非色界及前述三定之勝想，故非想； 非無所有處天無想及滅盡定非想，故非非想。 3、厭無所有處如痴，舍之而入非非想處定。 4、不見有無相貌，泯然寂絕，清淨無為。 5、唯以極微細第六識，所緣非有非無境界，為其處。	1、非想非非想處定，非有想非無想定。 此定超越無所有處定，思惟非想非非想之相，具足而安住之。此定無明勝之想，故異於滅盡定；亦非無想，故亦異於無想定。 2、思惟無所有處為粗苦障，謂非想非非想處為靜妙離，修習非想非非想之加行，入非想非非想定。 3、從此定入滅受想定時，其心明利，次第而入，無有雜念間隔，是為滅受想次第定。 若得此定，不久即證阿羅漢果。	四無色各以其自體而言，皆稱根本定，離下地煩惱得之。 接近根本定前之預備階段，稱近分定，或加行定，伏下地煩惱得之。	修各自定成，命終生自天。	八萬大劫	味定 淨定	依定自相立名 從當立名
	三、無所有處天	1、厭識無邊三世流動無際，舍識安住無所有之相，入無所有處，怡然寂靜，諸想不起。 2、亦名不用處，謂不用前空處、識處。 3、其王三昧，名之為樂。 4、以微細第六識，緣非空非色境界，為處。	1、無所有處定，少處定。 此定超越識無邊處定，與無所有相應，即思惟無所有之相而安住之，入無所有處。 2、思惟識無邊處為粗苦障，無所有處為靜妙離，如前修習無所有處之加行，入無所有處定。			六萬大劫	味定 淨定	從所修入定之行得名 依加行而立名
	二、識處天	1、識無邊處天。厭空無邊，舍虛空，轉心緣識與識相應，安住識無邊相，心定不動，以識為處。 2、三世之識，悉現定中，清淨寂靜。 3、唯以微細第六識，所緣無邊心識，為其處。	識無邊處定，識處定。 超越空無邊處定，思惟空無邊處為粗苦障，識無邊處為靜妙離，思惟“識為無限大”，如前修習識無邊處之加行，入識無邊處定。			四萬大劫	無漏定（無漏等至）（等至即定）	
	一、空處天 空無邊處天	1、厭於色身繫縛，厭棄色界一切色相，不得自在，故滅一切色相，心緣虛空，而入虛空處定。與無色相應，住空處定，其心明淨，無礙自在。 2、既無色陰，不可說有方隅處所。 3、滅眼識相應之色想，耳等四識相應之有對想，及所有不善想，乃至障定的一切想，唯思惟‘空無邊之相’而安住之。 4、唯有微細第六意識，所緣無邊虛空，為其處。	1、空無邊處定，空處定。此定超越色界第四禪，滅除障礙禪定一切想，思惟“空間為無限大”，空無邊之相。 2、法蘊足論卷八無色品釋雲： 初修業者，先思惟第四靜慮為粗苦障，次思惟空無邊處為靜妙離。此時，若心散亂，馳流餘境，不能一趣，不能守念，則不能修空無邊處定。 待攝心不散亂，能令一趣，住念一緣，即思惟修習無邊處定相。如是思惟發勤精進，勵意不息，是名空無邊處加行，亦名入空無邊處定。 既入，由多修習故，令心安住無退，是名已入空無邊處定。 3、此四定雖總名為‘無色’，然空無邊處定之近分定，緣第四靜慮之色相而厭離，故尚有色想。 餘三定之近分定及根本定則全無色想。 4、四空定，詳見：六、四禪八定 1、【八定】等。		下處，修空處定成就，命終生此天。 除無想、五不還天。	二萬大劫	三定詳見五、三定 1-6	

表 2：（4 表）無色界四天 總說（表格從下向上觀看）

無 色 界 四 天 總 說	<p>四天壽命，各有異說。</p> <p>據大毗婆沙論卷八十四（大正 27・434a）載，空無邊處二萬劫，識無邊處四萬劫，無所有處六萬劫，非想非非想處八萬劫；長阿含經卷二十，則依次為一萬劫、二萬一千劫、四萬二千劫、八萬四千劫；</p> <p>立世阿毗曇論卷七壽量品，四天各分上、中、下三品，由空無邊處下品之一萬七千五百大劫，至非想非非想處上品之八萬大劫，總有十二品之壽量差別。</p>
	<p>感生業因，為四無色定。</p> <p>如《業報差別經》謂，修行十善業道，能令眾生得欲天報及色天報；</p> <p>復有四業能令眾生得無色天報，即(1)入於空處定，(2)入識處定，(3)入無所有處定，(4)入非想非非想定。</p> <p>此處僅言四業而未論及十善業，其故安在？</p> <p>《法苑珠林》卷二〈業因部〉釋之雲（大正 53・283b）：</p> <p>‘若爾，此界何故不言十善業者，應言此界是無色報離色而修，遠離身口，是故，據地但言四業，不就十善也。’</p>
	<p>修何等加行，始可入此四無色定：</p> <p>《法蘊足論》卷八〈無色品〉釋雲：</p> <p>初修業者，先應思惟第四靜慮為粗苦障，次應思惟空無邊處為靜妙離。</p> <p>此時，若心散亂，馳流餘境，不能一趣，不能守念，則不能修空無邊處定。</p> <p>待攝心不散亂，能令一趣，住念一緣，即思惟修習無邊處定相。</p> <p>如是思惟發勤精進，勵意不息，是名空無邊處加行，亦名入空無邊處定。</p> <p>既入，由多修習故，令心安住無退，是名已入空無邊處定。</p> <p>乃至超一切種空無邊處，入識無邊處，漸舍空無邊處。</p> <p>思惟空無邊處為粗苦障，謂識無邊處為靜妙離，如前修習識無邊處之加行，入識無邊處定。</p> <p>乃至超一切種識無邊處，入無所有處。</p> <p>思惟識無邊處為粗苦障，謂無所有處為靜妙離，亦如前修習無所有處之加行，入無所有處定。</p> <p>乃至超一切種無所有處，入非想非非想處。</p> <p>思惟無所有處為粗苦障，謂非想非非想處為靜妙離，亦如前修習非想非非想之加行，入非想非非想定。</p>
	<p>此四無色定各有兩類情形，即：</p> <p>(一) 生無色：生於四無色界，於此之時，定心現前，故得定名。體唯受、想、行、識四蘊。</p> <p>(二) 定無色：非由生得，而系修證所得。</p> <p>假令其身雖猶在欲界等下地，然若因修證而現起無色界之定心，則亦得無色之果。</p> <p>體與色界定，同為善心一境性，而無色界無色蘊。</p>

表 1：（4 表）無色界四天 總說（表格從下向上觀看）

無 色 界 四 天 總 說	此界無色法之物質，亦無身體、宮殿，但存識心，僅有受、想、行、識四蘊，住深妙禪定。僅以眾同分、命根等假和合為體。
	由厭棄色界為色質繫縛而不得自由，故欣求無色，遂得入此界。在色界之上。
	有情均為男身，但不具男根。
	無色界無中有。
	此天界命終後轉生欲界、色界之事，即因其人自願求生該界，遂得感生。
	三界、九地、所斷 88 使見惑、81 品思惑、所證阿羅漢等四個果位，具體可見《三界斷惑表》。
	此界由於無質無色，故無法定其方處，不能以居處分之。 但以業因有勝劣，故果報亦有勝劣之差別，依其禪定壽命等之勝劣而立差等。 俱舍論八曰：“無色界中都無有處，以無色法無有方所。（中略）俱異熟生，差別有四： 一空無邊處，二色無邊處，三無所有處，四非想非非想處。 如是四種，名無色界。此四非由處有上下，但由生故，勝劣有殊。 復如何知彼無方處，謂於是處得彼定者，命終即於此處生故。復從彼處沒，生欲色時，即於是處中有起故。” 又曰：“於彼界中色非有，名為無色。所言色者，是變礙義，或示現義。被體非色，立無色名。”
	關於無色之義，眾說紛紜。 成實之義，無粗色而謂無色，非謂全無色。 大眾部、化地部認為‘無色’，應是無粗顯之色，而非無細微之色。 若全然無色，則於無色界命終而轉生於欲、色二界時，色從何得生？ 有部宗之義，色體實無。 說一切有部以為，既言無色，即蘊含‘色已全無’，因此，若說細微之色為無色，則水中細蟲或色界之身，豈非亦可稱為無色！ 又，三界生死相續之狀，或色續無色，或無色續色，故不可一概說諸色斷已。 經部認為往昔所起之異熟因，熏習在心，其功能今已成熟，故色法仍能生起。 大乘之意，則認為業果之色雖已不存在，但定果之色仍存。 對‘色界一切有情要依色身等相續，而於無色界受生時，有情之心心所將依何相續’一事。 有部諸師說，彼心等依眾同分與命根而得相續； 經部師說，若因於色已得離愛，以厭棄色故，無色界心等自相續，別無依止。
	鈍根阿那含： 按經論中，三果聖人，斷下四地思盡，得第四禪。 於中有二根性。 一者樂慧，則修夾燠禪，生五淨居（即無煩等五不還天）。 二者樂定，則修四空定，生無色界。 樂慧根利，即於色界，速出生死。 樂定根鈍，故於無色界，遲出生死也。 此即四空界攝，無別處所，不同淨居，別為一有。 然雖在無色界，不同凡夫外道，乃受輪迴，是故須別明之。

附錄目錄

- 一、四無色定 1-3
- 二、無色界 1-19
- 三、九地 1-8
- 四、二十五有 1-6
- 五、三定 1-6
- 六、四禪八定 1-5
- 七、九次第定 煉禪 1-7
- 八、滅盡定 1-19
- 九、小世界諸天圖解（黑白：四大部洲位置有誤）
- 十、小世界諸天圖解（彩色）
- 十一、十法界唯心圖

附錄

一、四無色定 1-3

1、【四無色定】

梵語 catasra a^{ru}pya-sama^{pattayah}。

又作四空定、四空處定、四無色。指超離色法（物質）繫縛之四種境界。即由思惟四無色界所得之定。

若欲生於此四無色界，則必須修習四無色定。

換言之，四無色定，乃對治色法之繫縛，滅除一切對外境之感受與思想的修行，及藉此修行所達到的清淨無染、虛空靜寂之精神境界。

此四無色定各有兩類情形，即：

(一)生於四無色界之“生無色”，於此之時，定心現前，故得定之名。

(二)非由生得，而系修證所得。蓋假令其身雖猶在欲界等下地，然若因修證而現起无色界之定心，則亦得无色之果，称为“定无色”。

據法蘊足論卷八無色品、大智度論卷十七等載，此四無色定即：

(一)空無邊處定，又作空處定。此定超越色界之第四禪，滅除障礙禪定之一切想，思惟“空間為無限大”，亦即思惟空無邊之相。

(二)識無邊處定，又作識處定。此定超越空無邊處定，而思惟“識為無限大”，亦即思惟識無邊之相。

(三)無所有處定，又作少處定。此定超越識無邊處定，與無所有相應，即思惟無所有之相而安住之。

(四)非想非非想處定，又作非有想非無想定。此定超越無所有處定，思惟非想非非想之相，具足而安住之。

此定无明胜之想，故异于灭尽定；亦非无想，故亦异于无想定。

四無色定各以其自體而言，皆稱為根本定；

接近根本定前之預備階段，稱為近分定，或加行定。

加行，即事先加功用行之意。

其中，空無邊處定之近分定，系緣欲界第四禪之色相以修行厭離，而尚有色想；

然其餘三定之近分定，及四定之根本定，則全無色想，故四定仍總稱無色定。

又非想非非想處定系依定之自相而立名，其下三定則依加行而立名。

四無色界，為脫離色法系縛之四種境界。又稱四無色、四無色天、四無色處、四空處、四空天。

四無色界名稱配於四無色定，依次稱為空無邊處天、識無邊處天、無所有處天、非想非非想處天（有頂天）。

悉以無色為特點，既無自然國土與居處宮室，亦無色礙之肉身，僅以眾同分、命根等假和合為體。

此外，將三界分為九地時，四無色界則稱空無邊處地，乃至非想非非想處地，相當於九地中之後四地。

[中阿含卷二十四大因經、坐禪三昧經卷下、俱舍論卷二十八、顯揚聖教論卷二、禪法要解卷下、法界次第初門捲上之下]((參見:無色界定)5084)
p1772

FROM:【《佛光大辭典》（第三版）】

2、【四無色定（梵 catasra a[^]ru[^]pya-sama[^]pattayah!）】

禪定之一種。指四種無色界之定。即空無邊處定、識無邊處定、無所有處定、非想非非想處定。

乃思惟空無邊處等四無色界所得之定。故又稱四空處定、四空定。

(1)空無邊處定：又名空處定。謂超越第四靜慮，滅眼識相應之色想，耳等四識相應之有對想，及所有不善想，乃至障定的一切想，唯思惟‘空無邊之相’而安住之。

(2)識無邊處定：又名識處定。謂超越空無邊處，更思惟‘識無邊之相’而安住之。

(3)無所有處定：又名少處定。謂超識無邊處，破其識相，更思惟‘無所有之相’而安住之。

(4)非想非非想處定：又名非有想非無想定。謂超無所有處，更思惟‘非想非非想之相’而安住之。

此‘非想非非想定’無明勝之想，故異於滅盡定，又非無想，故不同於無想定。

又，此四定各有二種：

一者在無色界所生，稱‘生無色’。蓋無色界亦如色界，可為定地，定心現前，故得定名。

二者非由生得，系由修習而得，稱‘定無色’。蓋身雖處欲界散地等下地，但心現無色界之定心，故得無色果。

此‘定無色’之體與色界定同為善心一境性，而無色界因無色蘊，故‘生無色’之體唯受、想、行、識四蘊。

關於修何等加行始可入此四無色定：

《法蘊足論》卷八〈無色品〉釋之雲：

初修業者，先應思惟第四靜慮為粗苦障，次應思惟空無邊處為靜妙離。

此時，若心散亂，馳流餘境，不能一趣，不能守念，則不能修空無邊處定。

待攝心不散亂，能令一趣，住念一緣，即思惟修習無邊處定相。

如是思惟發勤精進，勵意不息，是名空無邊處加行，亦名入空無邊處定。

既入，由多修習故，令心安住無退，是名已入空無邊處定。

乃至超一切種空無邊處，入識無邊處，漸舍空無邊處。

思惟空無邊處為粗苦障，謂識無邊處為靜妙離，如前修習識無邊處之加行，入識無邊處定。

乃至超一切種識無邊處，入無所有處。思惟識無邊處為粗苦障，謂無所有處為靜妙離，亦如前修習無所有處之加行，入無所有處定。

乃至超一切種無所有處，入非想非非想處。

思惟無所有處為粗苦障，謂非想非非想處為靜妙離，亦如前修習非想非非想之加行，入非想非非想定。

依《俱舍論》卷二十八所說，前三定乃約其加行而立名。

因其次第修加行時，思惟無邊之空、無邊之識及無所有，故立空、識、無所有等名。

而第四定，乃約‘想’之當體而立名。蓋此定無明勝之想，得非想名，有味劣想，故名非非想。

此四定雖總名為‘無色’，然空無邊處定之近分定，緣第四靜慮之色相而厭離，故尚有色想，而餘三定之近分定及根本定則全無色想。

◎附：木村泰賢著·歐陽瀚存譯《原始佛教思想論》第三篇第四章（摘錄）

與此四禪定相併重，佛陀所推獎之另一方式即所謂四色定（a^{nu}pa）是也。

相傳第三之無所有定，乃學自阿邏羅迦羅摩。

第四之非非想定，則學自鬱陀迦羅摩子。

（中略）其初雖專為修定觀方便所用，迨後與四禪相締結，遂稱之為四禪無色定。

四無色定者，即：

(1)空無邊處定（aka^{sa}nan~caya^{tana}）(2)識無邊處定（vim~n~a^{na}cayatana）

(3)無所有處定（akin~-can~n~a^{yatana}）(4)非想非非想定（nevasan~n~a^{-nan~n~a}yatana）。

第一空無邊定者，勘破一切物質觀念，僅念無邊之空間，心中隔絕外界差別相之修行。

第二識無邊定者，更以之接觸於內界，而念識之無邊，屏除識中所起差別相之觀念法。

第三無所有處定者，更進而超越空間與識，以至於無一切存在之觀法，最後非想非非想定者。

前之三定，雖在泯滅內外之差別相，以至於所謂真空。

然尚有‘一切空’想，故須再進至於無想亦非無想而修煉之，即完全洞澈一切空觀念之三昧法。

比於四禪之富於觀智，則專為傾向於止之一方者是矣。

上之四禪無色定，初以適應於各別方式。

佛陀雖亦於種種場合，嘗分之為二，謂此兩者無關係，然其合為一系列，由四禪進而說四無色之處，亦殊不少。

如《中阿含》卷四十二〈分別觀法經〉，即其一例也。

是時合此兩者，通常特名之為八等至（samaptiva）。

蓋佛陀之教理，迨及次第整理，爰有此兩方式之結合耳。

由是此四禪四無色，遂視為一切佛教禪定法之根本。

如為世界觀之慾界、色界、無色界等，實亦適應於此種禪的階級所構成。

三界者，雖曰輪迴之境，然自修道之道程觀之，要以解脫界為最高。

顧所以認為有至此之過程，其根據亦在此也。

〔參考資料〕 《清淨道論》第十〈說無色品〉；《大智度論》卷十七、卷二十；《中阿含經》卷二十四〈大因經〉；《坐禪三昧經》卷下；《品類足論》卷七；《大毗婆沙論》卷七十四、卷八十三、卷八十四；《顯揚聖教論》卷二；《禪法要解》卷下；《大乘義章》卷十三；中村元《原始佛教の思想》下卷第五編；忽滑谷快天《禪學思想史》上卷。

FROM: 【《中華佛教百科全書》【藍吉富 主編】】

3、【四無色定治妄修解脫染】

四無色定者，即無色界中空處定、識處定、無所有處定，非非想處定也。

若諸外道，以有漏心，妄修邪定，以求解脫者，菩薩能以此四無色定攝化，令其依於正法，修證解脫，則無妄修解脫之染也。

FROM: 【《三藏法數》明·一如等 撰】

二、無色界 1-19

1、【無色界】

（界名）三界之一。

此界無一可謂為色法之物質，亦無身體，無宮殿，但存識心，而住居於深妙之禪定，故謂之為無色界。

此無物質之世界，雖不能定其方處，而姑就果報之勝之義，謂在色界之上。

但謂為色體實無者，有部宗之義也，依成實之義，則就無粗色而謂為無色，非謂全無色也。

此界中分四地，自下而上言之，則第一為空無邊處，第二為識無邊處，第三為無所有處，第四為非想非非想處也。

既為無質，故不能以居處分之，但依其禪定壽命等之勝劣而立差等。

俱舍論八曰：“無色界中都無有處，以無色法無有方所。（中略）俱異熟生，差別有四：

一空無邊處，二色無邊處，三無所有處，四非想非非想處。

如是四種，名無色界。

此四非由處有上下，但由生故，勝劣有殊。

復如何知彼無方處，謂於是處得彼定者，命終即於此處生故。

復從彼處沒，生欲色時，即於是處中有起故。”

又曰：“於彼界中色非有，名為無色。

所言色者，是變礙義，或示現義。

被體非色，立無色名。”

FROM: 【《佛學大辭典》【丁福保 編】】

2、【無色界】

梵語 a[^]ru[^]pya-dha[^]tu，巴利語 aru[^]pa-dha[^]tu。

又作無色天、無色行天。與欲界、色界共稱三界。

即指超越物質之世界，厭離物質之色想，而修四無色定者，死後所生之天界。

謂此界有情之生存，固無色法、場所，從而無空間高下之別，然由果報之勝劣差別，則分為四階級，即空無邊處、識無邊處、無所有處、非想非非想處等四空處，故又稱四無色、四無色天、四無色處、四空天、四空、無色界諸天。

若三界分為九地，則此四界相當於後半之四地，而一一附加“地”字稱呼，例如“空無邊處地”等。

復以其屬於天界，故有時亦一一附加“天”字，稱為“空無邊處天”等。

關於四天之壽命，各有異說，據大毗婆沙論卷八十四載，空無邊處有二萬劫，識無邊處四萬劫，無所有處六萬劫，非想非非想處八萬劫；長阿含經卷二十則依次為一萬劫、二萬一千劫、四萬二千劫、八萬四千劫；

依立世阿毗曇論卷七，則將四天各分上、中、下三品，由空無邊處下品之一萬七千五百大劫，至非想非非想處上品之八萬大劫，總有十二品之壽量差別。

此外，非想非非想處天因位居世界（有情之生存）之最高位，故又稱有頂、有頂天。

又無色界之有情均為男身，但不具男根。

〔業報差別經、法蘊足論卷十一、俱舍論卷八、卷十一、卷二十八、大毗婆沙論卷八十三、卷九十八、法苑珠林卷二、大乘法苑義林章卷五本〕（參見：四無色定）1772) p5083

FROM: 【《佛光大辭典》（第三版）】

3、【無色界定】

巴利語 aru[^]pa-avacara-sama[^]dhi。又作無色定。

無色界定含空無邊處定、識無邊處定、無所有處定、非想非非想處定等四無色定。

此四無色定，系由欲界定、色界定而得之靜寂禪定，於此等禪定中，對欲、色等悉無想念。

又根據說一切有部之說，空無邊處、識無邊處、無所有處等三定各又有味定（味等至）、淨定（淨等至）、無漏定（無漏等至）等三種。

非想非非想處定則以定相味劣之故，仅有味定、淨定二種而无无漏定。

以南傳佛教之觀點言之，則不僅於現世中由於精神極度統一之純粹專一現象，可得無色定（屬於善淨之無色定），若因果報而生於無色界者，亦可得無色定（屬於異熟之無色定）；

除此二類外，其他另有證成聖道聖果者之“無漏無色定”，及現法樂住的阿羅漢之“唯作無色定”等。

〔俱舍論卷二十八、清淨道論第十品、解脫道論卷二〕（參見：四無色定）1772) p5084

FROM: 【《佛光大辭典》（第三版）】

4、【無色界（梵 aru[^]pya-dha[^]tu，巴 aru[^]pa-dha[^]tu，藏 gzgus-med-pah!i khams）】

三界之一。此天界無色法，僅有受、想、行、識四蘊。

由厭棄色界為色質繫縛而不得自由，故欣求無色，遂得入此界。

《法蘊足論》卷十一（大正 26·504c）：‘云何無色界？謂有諸法，無色貪隨增，是名無色界。’

《俱舍論》卷八謂，色為變礙義或示現義，無色界為色法全然不存在之世界。

此界由於無色，故無法定其方處。但以業因有勝劣，故果報亦有勝劣之差別。

由於果報之差異，乃使此界細分為四類，稱為四無色，或四無色天、四無色處。即：

(1)空無邊處天 (A[^]ka[^]s/a[^]nantya-yatana)：由修空無邊處定所感得之果報，該定由厭棄色界一切色相，觀想虛空無邊而入。

(2)識無邊處天 (Vijn[~]a[^]nantya-y.)：由修識無邊處定而感得之果報，該定由厭棄虛空無邊，故舍虛空，轉心緣識，依觀想識無邊而入。

(3)無所有處天 (Akin[~]canya-y.)：由修無所有處定而感得之果報，該定由厭棄識之無邊，故舍緣識，轉心依無所有法而入。

(4)非想非非想處天 (Naivas/an~jn~a^nasan~jn~a^~y .)：由修該定感得之果報，該定非如色界及前述三定之勝想，故稱非想，亦非如無想滅盡定之非想，故稱非非想。

前三者從所修入定之因行而得名，後者則從當相而立名。

此天界命終後轉生欲界、色界之事，即因其人自願求生該界，遂得感生。

關於無色之義，眾說紛紜。

如大眾部、化地部即認為‘無色’應是無粗顯之色，而非無細微之色。若全然無色，則於無色界命終而轉生於欲、色二界時，色從何得生？說一切有部以為，既言無色，即蘊含‘色已全無’之意，因此，若說細微之色為無色，則水中細蟲或色界之身，豈非亦可稱為無色！

又，三界生死相續之狀，或色續無色，或無色續色，故不可一概說諸色斷已。

經部認為往昔所起之異熟因，熏習在心，其功能今已成熟，故色法仍能生起。

至於大乘之意，則認為業果之色雖已不存在，但定果之色仍存。

至於對‘色界一切有情要依色身等相續，而於無色界受生時，有情之心心所將依何相續’一事，有部說，彼心等依眾同分與命根而得相續；經部師說，若因於色已得離愛，以厭棄色故，無色界心等自相續，別無依止。

又，關於此界四天之壽命。

《大毗婆沙論》卷八十四雲（大正 27·434a）：‘空無邊處二萬劫壽，識無邊處四萬劫壽，無所有處六萬劫壽，非想非非想處八萬劫壽。’

《長阿含經》卷二十依四天之次第說其壽量為一萬劫、二萬一千劫、四萬二千劫、八萬四千劫。

《立世阿毗曇論》卷七〈壽量品〉謂，四天各有上、中、下三品，且列舉從空無邊處下品之一萬七千五百大劫，直到非想非非想處上品之八萬大劫，共計有十二品壽量差別。

感生於此天界之業因，當為四無色定。

如《業報差別經》謂，修行十善業道，能令眾生得欲天報及色天報；

復有四業能令眾生得無色天報，即(1)入於空處定，(2)入識處定，(3)入無所有處定，(4)入非想非非想定。

此處僅言四業而未論及十善業，其故安在？

《法苑珠林》卷二〈業因部〉釋之雲（大正 53·283b）：

‘若爾，此界何故不言十善業者，應言此界是無色報離色而修，遠離身口，是故，據地但言四業，不就十善也。’

〔參考資料〕 《立世阿毗曇論》卷六；《大毗婆沙論》卷九十八、卷一三七、卷一四五；《俱舍論》卷十一。

FROM:【《中華佛教百科全書》【藍吉富 主編】】

5、【四無色界】

為脫離色法系縛的四種境界。又稱四無色天、四無色處、四空天。

四無色界名稱配於四無色定，依次稱為空無邊處天、識無邊處天、無所有處天、非想非非想處天。

非想非非想處天又稱為有頂天。

此四無色天，悉以無色為其特點，既無自然國土與居處宮室，亦無色礙肉身，僅以眾同分、命根等假和合為體。

此外，將三界分為九地時，四無色界則稱空無邊處地、識無邊處地、無所有處地、乃至非想非非想處地，相當於九地中的後四地。
FROM: 【《唯識名詞白話新解》【於凌波 著】】

6、【無色界四天】

- 一、空處天，謂此天厭於色身繫縛，不得自在，心緣虛空，與無色相應，住空處定故。
- 二、識處天，謂此天厭虛空無邊，於是即舍虛空，轉心緣識，以識為處故。
- 三、無所有處天，謂此天厭於識處無邊，於是舍識入無所有處，亦名不用處，謂不用前空處識處故。
- 四、非想非非想處天，謂此天居無色界之極頂，非無所有處之無想，非識處之有想故。

FROM: 【《三藏法數》明·一如等 撰】

7、【無色界】

无色四天：

一、空无边处天 谓此天厌于色身系缚，不得自在，心缘虚空，与无色相应，住空处定。故不论人中天上，初二三四禅中，但除无想五不还天。余修空处定者，若得成就，则命终便生此天。既无色阴，不可说有方隅处所，唯有微细第六意识，所缘无边虚空，为其处也。寿二万大劫。

二、色无边处天 谓此天厌虚空无边，于是即舍虚空，转心缘识，以识为处故。不论欲界色界空处但修识处定成，命终即生此天。唯以微细第六意识，所缘无边心识，为其处也。寿四万大劫。

三、无所有处天 谓此天厌于识处无边，于是舍识，入无所有处。谓不用前空处识处故，不论欲界、色界、空处、识处，但修无所有处定成，命终即生此天。唯以微细第六意识，所缘非空非色境界，为其处也。其王三昧，名之为乐。寿六万大劫。

四、非想非非想处天 谓此天居无色界之极顶，非无所有处之无想，非识处之有想。唯以极微细第六识，所缘非有非无境界。为其处也，不论欲色二界，空等三处，但修非非想处定成，命终即生此天。寿八万大劫，居三有极顶，更无可进。

鈍根阿那含：

按經論中，三果聖人，斷下四地思盡，得第四禪。

於中有二根性。

一者樂慧，則修夾燠禪，生五淨居（即無煩等五不還天）。

二者樂定，則修四空定，生無色界。


樂慧根利，即於色界，速出生死。

樂定根鈍，故於無色界，遲出生死也。


此即四空界攝，無別處所，不同淨居，別為一有。

然雖在無色界，不同凡夫外道，乃受輪迴，是故須別明之。


(二十八天阶次)



(三界系統)



一、四恶趣	畜生	一、就形言	羽毛鳞介等		
		二、就依处言	水陆空等		
		三、就陆地言	有土内山林 人所畜养等		
		四、就昼夜言	有昼行夜行等		
		五、就强弱言	差别甚远		
		六、就寿命言	长短无定		
		七、就胜劣言	罪福迥殊		
		八、就生出言	胎卵湿化		
		九、就趣报言	遍五道中		
		一、无财	一、炬口 二、针咽 三、臭口		
二、人	饿鬼	二、少财	一、针毛 二、臭毛 三、大瘰		
		三、多财	一、得弃 二、得失 三、势力	一、夜叉 二、罗刹 三、毗舍阇	
		一、天修罗	二、人修罗		六道
		三、鬼修罗	四、畜修罗		
		一、北俱卢洲			
		二、西牛货洲			
		三、东胜神洲			
		四、南瞻部洲			
		一、地行	二、飞行		
		三、游行	四、空行		
三、十仙	十仙	五、天行	六、通行		
		七、道行	八、照行		
		九、精行	十、绝行		



色界	一、初禅	一、梵众	二、梵辅	三、大梵
	二、二禅	一、少光	二、无量光	三、光音
	三、三禅	一、少净	二、无量净	三、遍净
	四、四禅	一、无云 四、无想 七、善见	二、福生 五、无烦 八、善现	三、广果 六、无热 九、色究竟
无色界		一、空无边处	二、识无边处	
		三、无所有处	四、非想非非想处	

(九地表)

九地 (亦名九有)	五趣杂居地	欲界	三界 (亦名三有)
	离生喜乐地	色界	
	定生喜乐地		
	离喜妙乐地		
	舍念清净地		
	空无边处地		
	识无边处地		
	无所有处地		
	非非想处地		

(二十五有表)

三界	欲界	四恶趣	四有	十四有
		四洲	四有	
		六欲天	六有	
	色界	初禅	前二天	七有
			大梵	
		二禅	一有	
		三禅	一有	
	无色界	四禅	前三天	三有
			无想	
			那含	
	无色界		四无色	四有

FROM: 【《佛學次第統編》 楊卓 編】

8、【無色界】

p1047

瑜伽一百卷十四頁雲：無色界者：謂空處等四無色地。

二解 顯揚一卷十六頁雲：三、無色界。謂離色慾地雜眾煩惱諸蘊差別。

三解 俱舍論八卷二頁雲：無色界中，都無有處。

以無色法，無有方所過去未來，無表無色，不住方所，理決然故。

但異熟生，差別有四。一、空無邊處，二、識無邊處，三、無所有處，四、非想非非想處。如是四種，名無色界。

此四非由處有上下；但由生故，勝劣有殊。

復如何知彼無方處？謂於是處得彼定者；命終即於是處生故。

復從彼沒，生欲色時，即於是處，中有起故。

如有色界一切有情，要依色身，心等相續。

於無色界受生有情，以何為依，心等相續？

對法諸師，說彼心等，依眾同分，及與命根，而得相續。

若爾；有色有情心等，何不但依此二相續？有色界生，此二劣故。

無色此二，因何故強？彼界二從勝定生故。由彼等至，能伏色想。

若爾，於彼心等相續，但依勝定，何用別依？

又今應說如有色界受生有情，同分命根，依色而轉；無色此二，以何為依？此二更互相依而轉。

有色此二，何不相依？有色界生，此二劣故。無色此二，因何故強？

彼界此二種，從勝定生故。前說彼定能伏色想，是則還同心相續難。

或心心所，唯互相依故。

經部師說：無色界心等相續，無別有依。謂若有因未離色愛，引起心等。

所引心等，與色俱生，依色而轉。

若依於色已得離愛，厭背色故，所引心等；非色俱生，不依色轉。

四解 法蘊足論九卷二十三頁雲：云何無色界？謂有諸法，無色貪隨增，是名無色界。

複次，無色界系三界二處四蘊，是名無色界。

複次，如欲色界處定建立，不相雜亂；非無色界有如是事。然依定生勝劣差別，建立上下。

下從空無邊處，上至非想非非想處，於中所有受想行識，是名無色界。

又云：云何無色界？謂四無色，是名無色界。

又云：除擇滅非擇滅，餘無色法，是名無色界。

五解 品類足論六卷十六頁雲：無色界云何？謂無色貪隨增法。又云：無色界云何？謂四無色。

六解 品類足論六卷十六頁雲：除擇滅非擇滅，諸餘非色法，總名無色界。

FROM:【《法相辭典》【朱芾煌 編】】

9、【無色界系】

p1062

瑜伽五十六卷五頁雲：問：何義，幾蘊，是無色界系？

答：已得無色界系對治；若入彼定，或復生彼；未得上對治；或得已出，三時現行義。

一切一分是無色界系。又云：離色煩惱彼所攝義，當知是無色界系。

二解 雜集論四卷五頁雲：云何無色界系？幾是無色界系？為何義故，觀無色界系耶？

謂已離色界欲，未離無色界欲者，所有善無記法，是無色界系義。三界二處四蘊一分，是無色界系。

三界者：謂眼界，法界，意識界。二處者：謂意處，法處。四蘊者：謂受等。亦有三摩地所生色；少故不說。

一分者：謂除欲色界系，及無漏法。為舍執著離色界欲我故，觀察無色界系。

FROM: 【《法相辭典》【朱芾煌 編】】

10、【無色界】

謂有諸法。無色貪隨增。是名無色界。複次無色界系。三界二處四蘊。是名無色界。

複次如欲色界。處定建立。不相雜亂。非無色界有如是事。

然依定生。勝劣差別。建立上下。下從空無邊處。上至非想非非想處。於中所有受想行識。是名無色界。

FROM: 【《阿毗達磨辭典》【中華佛典寶庫 編】】

11、【行苦對無色界】

謂雖無苦樂之境，任運心有生滅，名為行苦。

如無色界中，雖無質礙之色，而有漏心識自然是苦，故名行苦對無色界。

FROM: 【《三藏法數》明·一如等 撰】

12、【發光地寄色界無色界天乘】

謂三地菩薩，明修八禪定行，同於色界四禪，無色界四空處，故云發光地寄色無色界天乘。

（八禪定者，色界、無色界各四禪定也。四禪者，初禪、二禪、三禪、四禪也。四空者，即空處、識處、無所有處、非非想處也。）

FROM: 【《三藏法數》明·一如等 撰】

13、【世第一法非無色界系】

p0517

大毗婆沙論四卷六頁雲：

問：何緣世第一法、非無色界系耶？

答：非田等故。謂無色界，於世第一法，非田、非器、非地；不能生長世第一法；故於彼無。

複次若地、有餘順決擇分；彼地可有世第一法。無色界、無餘順決擇分；是故無有世第一法。

複次若定、容有遍觀三界四諦善根；彼定可有世第一法。於無色定，無此善根；是故無有世第一法。

複次若定、容有緣一切法無我行相；彼地可有世第一法。無色定中，無此行相；是故無有世第一法。

複次若地、能修現觀邊世俗智；彼地可有世第一法。無色地中，無如是事；故彼無有世第一法。

複次若地、有見道；可有世第一法。無色界中，無有見道；是故無有世第一法。

FROM: 【《法相辭典》【朱芾煌 編】】

14、【無色界無中有】

p1077

大毗婆沙論六十九卷十二頁雲：

應作是說：欲色界生，定有中有。連續處別死有生有，令不斷故。無色界生，定有中有。

問：何故無色界定無中有耶？

答：非田器故。謂色法是有田器。無色界生、無諸色故；定無中有。

複次，連續處別死有生有令不斷故而起中有。無色界生，無方處別可須連續而起中有。故無色界、定無中有。

複次，若界地處受二種業異熟果者，便有中有。

二種業者：一、順中有受業。二、順生有受業。

復有二種：一、順起受業。二、順生受業。

復有二種：一、順起異熟業。二、順生異熟業。

復有二種：一、順細果業。二、順粗果業。

無色界中，唯受一種業異熟果，故無中有。一種業者：謂順生有受業，乃至順粗果業。

複次，若界地處受加行根本二種業異熟果者，便有中有，無色界中，唯受根本業異熟果，故無中有。

複次，若界地處受二種業異熟果者，便有中有。

二種業者：一、有色業。二、無色業。

復有二種：一、相應業。二、不相應業。

復有二種：一、有所依業。二、無所依業。

復有二種：一、有所緣業。二、無所緣業。

復有二種：一、有行相業。二、無行相業。

復有二種：一、有警覺業。二、無警覺業。

無色界中，唯受一種業異熟果，故無中有。一種業者：謂無色業，乃至有警覺業。

複次，若界地處受能趣所趣業異熟果者，便有中有。無色界中，唯受所趣業異熟果，故無中有。如能趣、所趣，能續、所續，應知亦爾。

複次，若界地處受身語意三種業異熟果者，便有中有。無色界中，唯受一種意業異熟果，故無中有。

複次，若界地處受善五蘊異熟果者，便有中有。無色界中，唯受善無色四蘊異熟果，故無中有。

複次，若界地處受十善業道異熟果者；便有中有。無色界中，唯受後三善業道異熟果，故無中有。

複次，若界地處受黑黑、或白白、或黑白黑白業異熟果者，便有中有。無色界中，不受此三業異熟果，故無中有。

複次，若界地處有鮮白因及鮮白果者，便有中有。無色界中，雖有鮮白因，而無鮮白果，故無中有。

複次，若界地處有去有來，便有中有。無色界中，無去無來，故無中有。

問：若此處死，還生此處，如聞有死，生自屍中，既無去來，何須中有連續二有，令不斷耶？

答：有情死已，或生惡趣，或生人中，或生天上，或般涅槃。

生惡趣者：識在腳滅。生人中者：識在臍滅。生天上者：識在頭滅。般涅槃者：識在心滅。

諸有死已生自屍中為蟲等者：彼未死時，多愛自面，故彼死已，生自面上。

既從彼腳，來生自面。若無中有，誰能連續。無此處死，還生此處。捨身、受身，必移轉故。

設有是事，無色亦無。故無色界，定無中有。

問：無色界歿生欲色界者，既隨當生處中有現前；彼無往來，何用中有？

答：彼先已造，感中有業。雖無往來，亦受中有，業力所引，必應起故。

FROM: 【《法相辭典》【朱芾煌 編】】

15、【無色界決定無色】

p1086

大毗婆沙論八十三卷十六頁雲：

問：應理論者，依何教理，說無色界，全無色耶？

答：依契經故。謂契經說：色界，出離欲；無色界，出離色；寂滅涅槃，出離有為。

既說無色界出離色，故無色界、定無諸色。

餘經復說，入靜慮時，觀一切色受想行識，如病如癰，乃至廣說。

入無色定時，觀一切受想行識，如病如癰，乃至廣說。

由此故知無色界中，定無諸色。

餘經復說：無色諸定，寂靜解脫，超過諸色，由此故知無色界中，定無諸色。

餘經復說：超諸色想，滅有對想，不思惟種種想，入無邊空、空無邊處具足住，故無色界，定無諸色。

復有過難，若無色界，猶有色者，應無漸次滅法。若無漸次滅法，應無究竟滅法。若無究竟滅法，應無解脫出離涅槃。

勿有此過，故無色界，決定無色。

FROM: 【《法相辭典》【朱芾煌 編】】

16、【無色界中有三勝生】

p1090

瑜伽九卷十一頁雲：又無色界中有三勝生。一、無量想天生。二、無所有想天生。三、非想非非想天生。

FROM: 【《法相辭典》【朱芾煌 編】】

17、【無色界中唯有二種作意】

p1097

俱舍論七卷十五頁雲：無色唯有二種作意。一、修所成。二、生所得。

FROM: 【《法相辭典》【朱芾煌 編】】

18、【無色界隨眠不於欲色界隨增】

p1099

大毗婆沙論一百九十三卷八頁雲：何故無色界隨眠，不於欲界法隨增耶？答：界應雜亂，及彼、非此所緣故。

何故無色界隨眠，不於色界法隨增耶？答：界應雜亂，及彼非此所緣故。皆如前應知。

FROM: 【《法相辭典》【朱芾煌 編】】

19、【聖位經欲界生必不往生色無色界】

p1227

俱舍論二十四卷七頁雲：論曰：若在聖位，經欲界生，必不往生色無色界。由彼證得不還果已，定於現身般涅槃故。若於色界經生聖者，容有上生無色界義，如行色界極有頂者。然天帝釋作如是言：曾聞有天，名色究竟。我後退落，當生於彼。毗婆沙師，作如是釋：彼由不了對法相故，為令喜故，佛亦不遮。
FROM: 【《法相辭典》【朱芾煌 編】】

三、九地 1-8

1、【九地】

（名數）又名九有。

以欲界為一地，色界及無色界各分為四地也。

一欲界五趣地，二離生喜樂地，三定生喜樂地，四離喜妙樂地，五舍念清淨地，六空無邊處地，七識無邊處地，八無所有處地，九非想非非想處地。

1 欲界五趣地者，或名五趣雜居地。即地獄，餓鬼，畜生，人及天之五趣等為散地，並有欲故，合為一地。

2 離生喜樂地者，即色界初禪，與尋伺即覺觀相應，已離欲界之苦，而生喜樂，故立為一地。

3 定生喜樂地者，即色界第二禪，已無尋伺，從定生喜樂，故為一地。

4 離喜妙樂地者，即色界第三禪，離前喜貪，心悅安靜，有勝妙之樂，故為一地。

5 舍念清淨地者，即色界第四禪，離前喜樂等，清淨平等，住於舍受正念，故為一地。

6 空無邊處地者，為無色界之第一定，厭色而住於空無邊處定。

7 識無邊處地者，為無色界之第二定，住於識無邊處定。

8 無所有處地者，為無色界之第三定。

9 住於無所有處定，非想非非想處地者，為無色界之第四定，住於非想非非想處定，故各立為一地。

其中後四地，乃所謂四無色界，其名稱別無所異。

前五地，據雜阿含經十七之說，立其名目。

彼文曰：“云何食念？謂五欲因緣生念。

云何無食念？謂比丘離欲，離惡不善法，有覺有觀，離生喜樂，初禪具足住，是名無食念。

云何無食無食念？謂有覺有觀息，內淨一心，無覺無觀，定生喜樂，第二禪具足住，是名無食無食念。

云何有食樂？謂五欲因緣，生樂生喜，是名有食樂。

云何無食樂？謂息有覺有觀，內淨一心，無覺無觀，定生喜樂，是名無食樂。

云何無食無食樂？謂比丘離喜貪，舍心住，正念正知，安樂住彼聖說舍，是名無食無食樂。

云何有食舍？謂五欲因緣生舍，是名有食舍。

云何無食舍？謂彼比丘離喜貪，舍心住，正念正知，安樂住彼聖說舍，第三禪具足住，是名無食舍。

云何無食無食舍？謂彼比丘離苦息樂，憂喜先已離，不苦不樂舍，淨念一心，第四禪具足住，是名無食無食舍。”

亦見大毗婆沙論三十一，俱舍論二十八等。

FROM: 【《佛學大辭典》 【丁福保 編】】

2、【九地九品思惑】

（名數）三界九地，各有九品之惑，合為八十一品之惑。

FROM: 【《佛學大辭典》 【丁福保 編】】

3、【九地——三界九地】

〔出釋氏要覽〕

謂欲界五趣，雜居一地；色界四禪，分為四地；無色界四空，分為四地，共為九也。

地有持載之義，眾生依之而住。

此之九地，從忉利天已下及四趣，皆為地居；夜摩已上，以至非非想天，皆為空居。

從所依處得名，故皆言地也。

〔一、五趣雜居地〕，五趣者，即欲界六天、人、餓鬼、畜生、地獄也。本該六趣，以阿修羅通于諸趣，故但言五。雜居者，五趣雖果報苦樂不同，總居于欲界故也。（欲界六天者，四天王天、忉利天、夜摩天、兜率天、化樂天、他化自在天也。梵語阿修羅，華言無端正。）

〔二、離生喜樂地〕，離生喜樂地者，即色界初禪天也。謂此天已離欲界欲惡之法，得覺觀禪定，身心凝靜，而生喜樂。住于此定，一切苦惱皆不能逼也。（覺觀者，初心在緣曰覺，細心分別禪味曰觀。）

〔三、定生喜樂地〕，定生喜樂地者，即色界二禪天也。謂此天已離初禪覺觀動散，攝心在定，澹然凝靜，而生勝定喜樂。住于此定，如人從暗室中出見日月光明，朗然洞徹也。

〔四、離喜妙樂地〕，離喜妙樂地者，即色界三禪天也。謂此天已離二禪天喜之踊動，因攝心諦觀，泯然入定，而得勝妙之樂。住于此定，樂法增長，遍滿身中也。

〔五、舍念清淨地〕，舍念清淨地者，即色界四禪天也。謂此天舍二禪之喜，及三禪之樂，心無憎愛，一念平等，清淨無雜。住于此定，空明寂靜，萬像皆現也。

〔六、空無邊處地〕，空無邊處地者，即無色界第一天也。謂此天厭色界色質為碍，不得自在，故加功用行，滅一切色相，而入虛空處定。住于此定，其心明淨，無碍自在也。

〔七、識無邊處地〕，識無邊處地者，即無色界第二天也。謂此天厭空處無邊，轉心緣識與識相應，心定不動，三世之識，悉現定中。住于此定，清淨寂靜也。（三世者，過去、現在、未來也。）

〔八、無所有處地〕，無所有處地者，即無色界第三天也。謂此天厭空處無邊，識處三世流轉無際，舍此二處，而入無所有處定。住于此定，怡然寂靜，諸想不起也。

〔九、非非想處地〕，非非想處地者，非前識處之有想，非無所有處之無想，即無色界第四天也。謂此天厭無所有處如癡，故舍之，而入非非想處定。住於此定，不見有無相貌，泯然寂絕，清淨無為也。

FROM: 【《三藏法數》明·一如等 撰】

4、【九地】

又稱九有。有情居止之世界，可分為欲界、色界、無色界等三界。

依禪定三昧之深淺，色界、無色界復分為四禪天、四無色天，與之慾界，計立九種有情之住地，稱為九地或九有（九種生存）。九者即：

(一)欲界五趣地，為地獄、餓鬼、畜生、人、天（六慾天）等雜居之所，故又稱五趣雜居地（或雜住地）。

(二)離生喜樂地，離欲界惡後，所生得之喜樂。色界初禪天屬此。

(三)定生喜樂地，由定所產生之殊勝喜樂之境地。色界第二禪天屬此。

(四)離喜妙樂地，離於前地之喜，而身得勝樂之境地。色界第三禪天屬此。

(五)舍念清淨地，舍前前地之喜與前地之樂，而心達安靜平等（即舍）、自覺（即念）之清淨境地。色界第四禪天屬此。

(六)空無邊處地，離色界之物質性，而證得虛空無邊自在性之境地。無色界第一天屬此。

(七)識無邊處地，得識無限闊達性之境地。無色界第二天屬此。

(八)無所有處地，離前二地之動性，沉潛於“一無所有”之寂靜想境地。無色界第三天屬此。

(九)非想非非想處地，有想與無想俱離，而不偏於有無，達平等安靜之境地。無色界第四天（即有頂天）屬此。

又於四禪天中之未至定、中間定、四根本定，以及四無色定中之下三無色定（即除非想非非想處定以外者）等九定，雖屬有漏定，但其境地乃為起無漏定之強力依所，故稱無漏九地。

[雜阿含經卷十七、大毗婆沙論卷三十一、卷一四一、俱舍論卷二十八、阿毗達磨順正理論卷七十七] p132

FROM:【《佛光大辭典》（第三版）】

5、【九地九品思惑】

乃指三界九地各有九品思惑，合計為八十一品惑。

三界總有九地，即欲界、四禪、四無色。

其中欲界具有四種修（思）惑（貪、嗔、慢、無明），四禪、四無色已除嗔，尚餘三惑。

於各地中，總此等修惑，分上上乃至下下九品，合之為八十一品修惑。

[俱舍論卷二十三] p132

FROM:【《佛光大辭典》（第三版）】

6、【九地九品思惑】

乃指三界九地各有九品思惑，合計為八十一品惑。三界總有九地，即欲界、四禪、四無色。

其中欲界具有四種修（思）惑（貪、嗔、慢、無明），四禪、四無色已除嗔，尚餘三惑。

於各地中，總此等修惑，分上上乃至下下九品，合之為八十一品修惑。

[俱舍論卷二十三] p132

FROM:【《佛光大辭典》（第三版）】

7、【九地】

指九種有情之住處。又稱九有。‘地’者持載之意，眾生依此而住，故名。

九地，即五趣雜居地、離生喜樂地、定生喜樂地、離喜妙樂地、舍念清淨地、空無邊處地、識無邊處地、無所有處地、非想非非想處地。

此中，五趣雜居地為欲界，其次四者為色界的四禪天，最後四者為無色界的四無色天。

(1)五趣雜居地：又稱欲界五趣地。五趣即欲界六天、人、餓鬼、畜生及地獄。若別立阿修羅則稱六趣。五者皆為散地且果報苦樂不同，合而為一故稱五趣雜居地。

(2)離生喜樂地：為色界初禪天，已離欲界欲惡之法，得覺觀禪定，身心凝靜而生喜樂；住此定則不受一切苦惱逼迫。

(3)定生喜樂地：為色界第二禪天，已離初禪覺觀動散，攝心於定，湛然凝靜而生勝定喜樂；住此定者如自暗室出而見日月光明，朗然洞徹。

(4)離喜妙樂地：為色界第三禪天，已離二禪天之喜，攝心、諦觀泯然而入於定，得勝妙之樂；住此定者樂法增長遍滿身中。

(5)舍念清淨地：為色界第四禪天，已舍二禪之喜、三禪之樂，心無憎愛，一念清淨無雜；住此定者空明寂靜，萬象皆現。

以上色界天之名，見於《雜阿含經》卷十六、《俱舍論》卷十二等。

(6)空無邊處地：為無色界之第一天，因厭於色界為色質所礙，不得自在，乃加功用行，滅一切色相，入於虛空處定，其心奔，無礙自在。

(7)識無邊處地：為無色界之第二天，厭於空無邊，轉心緣識，與識相應，心定不動，三世之識悉現定中，清淨寂靜。

(8)無所有處地：為無色界之第三天，厭於空處無邊，識處三世流動無際，故入於無所有處定，怡然寂靜，不起諸想。

(9)非想非非想處地：為無色界之第四天，非前識處之有想，非無所有處之無想，厭無所有處之痴，舍之，入非非想定，不見有無之相貌，泯然而清淨無為。

以上九地，各有九品之惑，若欲得解脫則皆須斷除之，聲聞四果之差別即依其斷惑之多少而定。

〔參考資料〕 《大毗婆沙論》卷三十一、卷一四一；《俱舍論》卷二十八；《順正理論》卷七十七；《阿毗達磨藏顯宗論》卷三十八；《大乘義章》卷十三；《釋氏要覽》卷中；《大明三藏法數》卷三十五。

FROM:【《中華佛教百科全書》【藍吉富 主編】】

8、【三界九地】

三界，指眾生賴以生存的欲界、色界、無色界。

此乃迷妄有情在生死流轉中依其境界所分的三階級；系迷於生死輪迴等生存界（即有）的分類，故稱作三有生死，或單稱三有。

此三界或三有，為：

一、欲界，即具有淫慾、情慾、色慾、食慾等有情所居之世界。上自第六他化自在天，中包括人界之四大洲，下至無間地獄等二十處；因男女參居，多諸染欲，故稱欲界。

二、色界、色為變礙之義或示現之義，乃遠離欲界淫、食二欲，而仍具有清淨色質等有情所居之世界。

此界在欲界之上，無有欲染，亦無女形，其眾生皆由化生；其宮殿高大，系由色之化生，一切均殊妙精好。

以其尚有清淨色質，故稱色界。此界依禪定之深淺粗妙而分四級，從初禪梵天，終至阿迦膩吒天，凡有十八天。

三、無色界，唯有受、想、行、識四心而無物質之有情所住之世界。此界無一物質之物，亦無身體、宮殿、國土，唯以心識住於深妙之禪定，故稱無色界。

此界在色界之上，共有四天（空無邊處天、識無邊處天、無所有處天、非想非非想處天），又稱四無色、四空處。

九地，即有情九種生存的處所。

九地為：

一、五趣雜居地，為欲界的地獄、餓鬼、畜生、人、天（六慾天）等有情雜居之所。

二、離生喜樂地，為色界的初禪天。

三、定生喜樂地，為色界第二禪天。
四、離喜妙樂地，為色界第三禪天。
五、舍念清淨地，為色界的第四禪天。
六、空無邊處地，為無色界第一天。
七、識無邊處地，為無色界的第二天。
八、無所有處地，為無色界的第三天。
九、非想非非想處地，為無色界第四天——即有頂天。
FROM: 【《唯識名詞白話新解》【於凌波 著】】

四、二十五有 1-6

1、【二十五有】

（名數）開三界為二十五有。

欲界有十四有，四惡趣四洲六慾天也。

色界有七有，四禪天及初禪中之大梵天，並第四禪中之淨居天與無想天。

無色界有四有，四空處是。

通三界而有二十五之果報，名二十五有。

輔行二曰：“二十五有，總為頌曰：四域（即四洲），四惡趣，六慾並梵王，四禪四無色，無想五那舍（即淨居天）。 ”

涅槃經四曰：“二十五有，如首楞嚴經中廣說。”

FROM: 【《佛學大辭典》 【丁福保 編】】

2、【二十五有】

〔出天台四教儀〕

二十五有，不出六道，有生有死，因果不亡之謂也。

然梵王天、無想天、及五那含天總在四禪天中，而別出其名者，以外道計梵王天為生萬物之主，計無想天以無心為涅槃，計五那含天為真解脫，所以經教特立此三天為三有，以對破外道之計也。（六道者，即天道、人道、修羅道、餓鬼道、畜生道、地獄道也。）

〔一、四洲為四有〕，謂東弗於逮、西瞿耶尼、南閻浮提、北鬱單越也。（梵語弗於逮，華言勝。梵語瞿耶尼，華言牛貨。梵語閻浮提，華言勝金洲。梵語鬱單越，華言勝處。）

〔二、四惡趣為四有〕，謂六道中，修羅、餓鬼、畜生、地獄四者，皆由愚痴貪慾造諸惡業，故感斯趣也。

〔三、六慾天為六有〕，謂欲界六天也。一四天王天，二忉利天，三夜摩天，四兜率天，五化樂天，六他化自在天。（梵語忉利，華言三十三。梵語夜摩，亦云須焰摩，華言善時分。梵語兜率，華言知足。）

〔四、梵天為一有〕，謂初禪中大梵王天，乃三千世界之主也。（三千者，小千、中千、大千也。）

〔五、無想天為一有〕，謂四禪中之無想天，此天以無心想為果故也。

[六、五那含天為一有]，那含，梵語具雲阿那含，華言不還。謂四禪中無煩天、無熱天、善見天、善現天、色究竟天，亦名五淨居天，此之五天，名位雖別，皆第三果聖人所居，故通為一有也。（第三果，即聲聞阿那含果也。）

[七、四禪天為四有]，謂色界初禪天、二禪天、三禪天、四禪天也。

[八、四空處天為四有]，謂無色界空處天、識處天、無所有處天、非想非非想處天也。

FROM:【《三藏法數》明·一如等 撰】

3、【二十五三昧破二十五有】

〔出法華玄義〕

梵語三昧，華言正定。二十五三昧破前二十五有者，約理對治，隨義以立名也。

蓋欲、色、無色三界，雖苦樂不同，然實有生死執著，故以此無垢等三昧之法，一一破之，令諸眾生，出於諸有也。

[一、无垢三昧，破地狱有]，謂菩薩由淨諸業惑，證于无垢三昧。愍彼眾生，受于地狱之苦，故以此三昧，令其修行，出离重垢所報之處也。（重垢即惡業，報處即地狱也。）

[二、不退三昧，破畜生有]，謂菩薩修于持戒禪定，破諸惡業，自獲不退，證于不退三昧。愍彼眾生，受畜生苦，故以此三昧，令其遠舍諸惡，永不退失善道也。

[三、心乐三昧，破餓鬼有]，謂菩薩修戒定慧，破諸惡業，證于心乐三昧。愍彼眾生，受餓鬼苦，故以此三昧，令其遠離諸惡而生喜樂也。

[四、欢喜三昧，破阿修羅有]，梵語阿修羅，華言无端正。謂菩薩修戒定慧，破于惡業等怖，證于欢喜三昧。愍彼眾生，受阿修羅苦，故以此三昧，令其离諸猜疑怖畏也。

[五、日光三昧，破弗婆提有]，梵語弗婆提，華言勝，即東洲也。謂菩薩修戒定慧，獲一切智光，破諸惡業无明等闇，證于日光三昧。愍彼東洲眾生，受諸生死，故以此三昧，令其破諸惡業等闇，而得出离也。

[六、月光三昧，破瞿耶尼有]，梵語瞿耶尼，華言牛貨，即西洲也。謂菩薩修戒定慧，獲一切智光，破諸惡業无明等闇，證于月光三昧。愍彼西洲眾生，受諸生死，故以此三昧，令其破諸惡業等闇也。

[七、热焰三昧，破郁单越有]，梵語郁单越，華言勝處，即北洲也。謂菩薩修戒定慧，破諸我執，證于热焰三昧。愍彼北洲眾生，計着于我，永執難化，故以此三昧，令其遠離妄我，計執不生，而得出离也。

[八、如幻三昧，破閻浮提有]，梵語閻浮提，華言勝金洲，即南洲也。謂菩薩修戒定慧，破諸虛幻惑業，證于如幻三昧。愍此南洲眾生，果報雜雜，壽命不定，犹如幻化。故以此三昧，令其破于諸幻而得出离也。

[九、不动三昧，破四天王有]，四天王者，東方持國天王、南方增長天王、西方廣目天王、北方多聞天王也。謂菩薩修戒定慧，破諸煩惱散亂，證于不动三昧。以此天游行世間，則有果報惑業等動故，以此三昧，令其悉破諸動惑業，亦得證此也。

[十、难伏三昧，破三十三天有]，三十三天，即忉利天也。謂菩薩修戒定慧，破一切惑業，證于难伏三昧。以此天是地居之頂，果報惑業，難以折伏，故以此三昧，令其破諸難伏，亦得證此也。（梵語忉利，華言三十三。）

[十一、悦意三昧，破焰摩天有]，焰摩，梵語具云須焰摩，華言善時分。謂菩薩修戒定慧，破諸煩惱，證于悦意三昧。以此天處空為悦，而未有上界不动等悦，故以此三昧，令其舍离空處之悦，而证不动等悦也。

[十二、青色三昧，破兜率陀天有]，梵語兜率陀，華言知足。謂菩薩修戒定慧，破諸煩惱，證于青色三昧。以此天果報，宮殿服玩一切皆青，故以此三昧，令其舍离一切煩惱，亦得證此也。

[十三、黄色三昧，破化乐天有]，谓菩萨修戒定慧，破诸烦恼，证于黄色三昧。以此天果报，宫殿服玩一切皆黄，故以此三昧，令其舍离一切烦恼，亦得证此也。

[十四、赤色三昧，破他化自在天有]，谓菩萨修戒定慧，破诸烦恼，证于赤色三昧。以此天果报，宫殿服玩一切皆赤，故以此三昧，令其舍离一切烦恼，亦得证此也。

[十五、白色三昧，破初禅有]，初禅即色界天也。谓菩萨修戒定慧，证于白色三昧。以此天果报，一切皆白，故以此三昧，令其舍离一切烦恼，亦得证此也。

[十六、种种三昧，破梵王有]，梵王亦色界初禅天也。谓菩萨修戒定慧，证于种种三昧。以此天主，领大千世界，种类既多，果报不等，故以此三昧，令其舍离种种果报，亦得证此也。

[十七、双三昧，破二禅有]，二禅亦色界天也。谓菩萨修戒定慧，证双三昧。以此天独有内净支、喜支二种定相，即果报双，而未见双空、双假、双中之理，故以此三昧，令其舍离净喜，而证双空等也。（双空者，谓见、思二惑俱空也。双假者，谓见假、思假，即见、思惑，以此惑体虚假不实故也。双中者，谓破见、思惑，同入中道也。）

[十八、雷音三昧，破三禅有]，三禅亦色界天也。谓菩萨修戒定慧，证于雷音三昧。以此天禅乐最深，如冰鱼蛰虫，着于果报之乐。故以此三昧而惊骇之，令其舍离诸乐，亦证于此也。

[十九、注雨三昧，破四禅有]，四禅亦色界天也。谓菩萨修戒定慧，证于注雨三昧。以此天如大地具诸种子，若不得雨，善芽不生，故以此三昧之雨，令其发生三谛之种，亦得证此也。（三谛者，真谛、俗谛、中谛也。）

[二十、如虚空三昧，破无想天有]，无想亦色界天也。谓菩萨修戒定慧，证于如虚空三昧。以此天一期，心想不行，妄计果报非空，而为涅槃。故以此三昧，破彼非空，令其起修空净之行，亦得证此也。（梵语涅槃，华言灭度。一期者，从生至死也。）

[二十一、照镜三昧，破阿那含天有]，梵语阿那含，华言不还。即第三果，生于色界之天也。谓菩萨修戒定慧，证于照镜三昧。以此天虽得无漏净色，但是果报之净，未获究尽色空，故以此三昧，令其破彼报净之色，究竟真空之理，亦得证此也。

[二十二、无碍三昧，破空处有]，空处即无色界天也。谓菩萨修戒定慧，证于无碍三昧。以此天得出色笼，果报无碍，未是空假中无碍，故以此三昧，令其舍离果报，亦得证此也。（色笼者，谓色界色质笼罩也。空假中即三观也。离性离相之谓空，无法不备之谓假，非空非假之谓中也。）

[二十三、常三昧，破识处有]，识处，亦无色界天也。谓菩萨修戒定慧，证常三昧。以此天以识相续不断为常，此乃定报，即非无为等常，故以此三昧，令其舍离定报之常，亦得证此也。

[二十四、乐三昧，破不用处有]，不用处，又名无所有处，亦无色界天也。谓菩萨修戒定慧，证乐三昧。以此天厌识处无边，入无所有处，以此处如痴，痴故是苦，故以此三昧，令其舍离于痴，亦得证此也。

[二十五、我三昧，破非想非非想处有]，非想非非想处，亦无色界天也。谓菩萨修戒定慧，证我三昧。以此天居无色界顶，谓是涅槃果报，犹有细烦恼等惑，而不自在，故以此三昧，令其舍离烦恼，亦得证此也。

FROM:【《三藏法数》明·一如等 撰】

4、【二十五有】

二十五有者，總言六道生死，別言二十五有也。因果不忘，故名爲有。

略雲三有：謂欲、色、無色也。或雲九有，三界分九地故。

若二十五有者，乃四惡趣爲四有；四洲六慾天共成十有；

初禪兩天爲一有；大梵雖在初禪，自爲一有，以我慢最重故；

二禪三天為一有；三禪三天為一有；四禪前三天為一有；
無想雖在四禪，自為一有，以唯是外道所感果故；
五不還天，雖亦在四禪中，自為一有，以唯是那含聖人所寄居也。
四空即為四有，鈍根樂定那含，寄四空處，無別處所，即屬四空處攝，故此色無色天，只十一有。
四有、十有、十一有，共成二十五有也。
FROM: 【《佛學次第統編》楊卓 編】

5、【二十五有】

生死輪迴之迷界計分為二十五種；由因必得果，因果不亡，故稱為有。即二十五種三界有情異熟之果體，為：
(一)地獄有，(二)畜生有，(三)餓鬼有，(四)阿修羅有。地獄至阿修羅乃六趣中之四趣，各一有。
(五)弗婆提有，(六)瞿耶尼有，(七)鬱單越有，(八)閻浮提有。由(五)至(八)乃開人之四洲為四有。
(九)四天處有，(十)三十三天處有，(十一)炎摩天有，(十二)兜率天有，(十三)化樂天有，(十四)他化自在天有，(十五)初禪有，
(十六)大梵天有，(十七)二禪有，(十八)三禪有，(十九)四禪有，(廿)無想有，(廿一)淨居阿那含有，(廿二)空處有，(廿三)識處有，
(廿四)不用處有，(廿五)非想非非想處有。
天趣中，六慾天、四禪及四無色各一有；
別開初禪之大梵，四禪之無想、淨居，各為一有。
總計欲界十四種，色界七種，無色界四種。
破此二十五有者，有二十五三昧。
〔北本大般涅槃經卷十四、入楞伽經卷七之五法門品〕（參見：二十五三昧）174） p175
FROM: 【《佛光大辭典》（第三版）】

6、【二十五有】

指眾生輪迴生死的二十五種存在境界。亦即將三界有情的異熟果體分類為二十五種：
(1)地獄有，(2)畜生有，(3)餓鬼有，(4)阿修羅有，(5)弗婆提有，(6)瞿耶尼有，(7)鬱單越有，(8)閻浮提有，(9)四天處有，(10)三十三天處有，
(11)炎摩天有，(12)兜率天有，(13)化樂天有，(14)他化自在天有，(15)初禪有，(16)大梵天有，(17)二禪有，(18)三禪有，(19)四禪有，(20)無想有，
(21)淨居阿那含有，(22)空處有，(23)識處有，(24)不用處有，(25)非想非非想處有。
《大般涅槃經》卷十四雲（大正 12·448b）：‘菩薩摩訶薩住無畏地，得二十五三昧，壞二十五有。’
此是以六趣中的地獄乃至阿修羅四趣各為一有，將人趣之四洲開列為四有，天趣中的六慾天、四禪及四無色各為一有。
另外，初禪開大梵為一有，四禪開無想、淨居二天各為一有，亦即將欲界分類成十種，色界分類為七種，無色界分類成四種。
〔參考資料〕 南本《涅槃經》卷十三；《入楞伽經》卷七〈五法門品〉；《涅槃經義記》卷五（下）；《大乘義章》卷八（末）；《摩訶止觀》卷九（下）；《法華經玄義》卷四（上）；《法苑珠林》卷七十。
FROM: 【《中華佛教百科全書》【藍吉富 主編】】

五、三定 1-6

1、【味定】

梵語 a[^]sva[^]dana-sama[^]dhi, a[^]sva[^]dana-sama[^]patti。又作味等至。

味，有執著、耽溺、玩味之意。

指執著於諸欲、諸禪，而與愛味相應之禪定。亦即鈍根貪行之人，對禪定靜慮功德之味著。

乃相對於淨定、無漏定而稱。通常以之為外道凡夫禪定之貶稱。

又味定存在於未定至（欲界定）中，即於四禪、四無色，及初禪以前之階段。

此外，玩味於佛道，稱為味道。

〔俱舍論卷二十八、三論玄義〕 p3111

FROM: 【《佛光大辭典》（第三版）】

2、【四淨定】

（名數）四禪四無色八地之定，有味定，淨定，無漏定之三種。

其中淨定有四種之別：

一順退分定，隨順味定將退本定時之位。

二順住分定，為住於定之當分而不退不進之位。

三順勝進分定，定力增進，順於上地之定之位。

四順決擇分定，決擇者以無漏智而名，淨定之力愈增進，而順於無漏智起無漏定所依之位。

如已上次第，順於煩惱，自地，上地，無漏。

八地之淨定有此四分，但有頂地之淨定除順決擇分定，因彼定昧劣，不生無漏定故也。見俱舍論二十八。

FROM: 【《佛學大辭典》 【丁福保 編】】

3、【四淨定】

指凡夫之四種淨定。於四禪四無色等八地定之中，有外道之味定、聖者之無漏定，及凡夫之淨定等三種。

據俱舍論卷二十八載，四淨定即：

（一）順退分定（梵 ha[^]nabha[^]gi[^]ya-sama[^]dhi），又作退分定，謂自現在之定後退至較低之定，如由第二禪退至初禪，或隨順味定將退本定時之位。

（二）順住分定（梵 sthibha[^]gi[^]ya-sama[^]dhi），又作住分定，謂住於現在之定而不退不進之位。

（三）順勝進分定（梵 vis/esabha[^]gi[^]ya-sama[^]dhi），又作勝分定，謂定力增進，升進至上地定之位。

（四）順決擇分定（梵 prativedhabha[^]gi[^]ya-sama[^]dhi），又作擇分定，謂淨定之力愈增進，自有漏而悟入無漏智，生起無漏定所依之位。

所謂決擇，即通達真理而成為無漏聖者之意。P1762

FROM: 【《佛光大辭典》（第三版）】

4、【四淨定】

四禪四無色等定中有味定（外道）、淨定（凡夫）、無漏定（聖者）三種。

其中有漏凡夫的淨定分為順退分定（hanabha^gi^ya-sama^dhi）、順住分定（sthibha^gi^ya-sama^dhi）、順勝進分定（vis/es!abhagi^ya-sama^dhi）、順決擇分定（prativedhabha^gi^ya-sama^dhi）四種，稱四淨定。

(1)順退分定（退分定）：謂後退至比現在的定地（例如第二禪）更低的定地（例如初禪）之定。

(2)順住分定（住分定）：謂定住在現在的定地，不進不退之定。

(3)順勝進分定（勝分定）：謂升進至上一地的定。

(4)順決擇分定（擇分定）：謂從有漏向無漏之悟前進的定。

FROM: 【《中華佛教百科全書》【藍吉富 主編】】

5、【淨定四種】

p1003

俱舍論二十八卷十三頁雲：

所言從淨生無漏者，為一切種皆能生耶？不爾。

云何？頌曰：淨定有四種。

謂即順退分、順住、順勝進、順決擇分攝。如次順煩惱，自上地無漏。互相望如次，生二三三一。

論曰：諸淨等至，總有四種。

一、順退分攝，二、順住分攝，三、順勝進分攝，四、順決擇分攝。

地各有四。有頂唯三。由彼更無上地可趣故；彼地無有順勝進分攝。

於此四中，唯第四分、能生無漏。所以者何？由此四種、有如是相。

順退分、能順煩惱；順住分、能順自地；順勝進分、能順上地；順決擇分、能順無漏。故諸無漏、唯從此生。

此四相望互相生者，初能生二。謂順退住。第二生三。除順決擇。第三生三。除順退分。第四生一。謂自非餘。

FROM: 【《法相辭典》【朱芾煌 編】】

6、【無漏定】

梵語 ana^srava-sama^patti。意譯無漏等至。指於出世間無漏心所得之禪定。又作出世間定、出世間禪。出世間，為無漏之別稱。

俱舍論等謂於未至定、中間定、四根本靜慮（即四根本定）、下三無色定等九地能生起無漏定。

然唯識家僅以第四靜慮地所起之大乘光明定、集福王定、賢守定、健行定等四定為無漏定。

釋禪波羅蜜次第法門卷五將禪分為世間禪、亦世間亦出世間禪、出世間禪、非世間非出世間禪四種。

出世間禪有九想、八念、十想、八背舍、八勝處、十一切處、九次第定、師子奮迅三昧、超越三昧等。

〔大智度論卷十七、顯揚聖教論卷二、瑜伽師地論卷十二〕（參見：無漏九地）5128）p5129

FROM: 【《佛光大辭典》（第三版）】

六、四禪八定 1-5

1、【八定】

〔出禅波罗蜜〕

定即摄散归静之义。色界、无色界各有四定，故云八定也。

〔一、初禅天定〕，谓人于欲界中修习禅定之时，忽觉身心凝然，运运而动，如云如影；又觉遍身毛孔气息，悉皆出入，入无积聚，出无分散，是名初禅天定。

〔二、二禅天定〕，谓既得初禅天定已，心厌初禅觉观动散，因摄心在定，澹然澄静；觉观即灭，乃发胜定之喜，如人从暗室中出见日月光明，朗然洞彻，是名二禅天定。（觉观者，初心在缘曰觉；细心分别禅味曰观。）

〔三、三禅天定〕，谓既得二禅天定已，而又厌二禅喜心涌动，定不坚固；因摄心谛观，喜心即谢，于是泯然入定，绵绵之乐，从内心发；乐法增长，遍满身中，于世间乐最为第一，是名三禅天定。

〔四、四禅天定〕，谓既得三禅天定已，又觉三禅乐法扰心，令不清净，一心厌离，加功不止，即得安隐，出入息断，空明寂静，如明镜离垢，净水无波，湛然而照，万像皆现；绝诸妄想，正念坚固，是名四禅天定。

〔五、空处天定〕，空即虚空也。谓既得四禅天定已，犹厌身色系缚，不得自在，乃转加功力，观察己身，犹如罗縠，内外通彻，一心念空，惟见虚空，无诸色相，其心明净，无碍自在，如鸟出笼，飞腾自若，是名空处天定。

〔六、識處天定〕，識，即心也。謂既得空處天定已，即以識心遍緣虛空，而虛空無邊；以無邊故，定心復散。

於是即舍虛空，轉心緣識；與識相應，心定不動，現在過去未來之識，悉現定中，與定相應，心不散。

此定安隱，清淨寂靜，是名識處天定。

〔七、無所有處天定〕，謂離上空處、識處，故名無所有處。得識處天定已，以心緣現在過去未來之識，無量無邊，能壞於定。

惟有無心識處，心無依倚，乃為安隱。於是即舍識處，專繫心於無所有處，精勤不懈，一心內淨，怡然寂靜，諸想不起，是名無所有處天定。

〔八、非想非非想處天定〕，謂前識處是有想；無所有處是無想。至此則舍前有想，名非想；舍前無想，名非非想。

蓋此天既得無所有處天定已，又知此處如痴如醉、如眠如暗，以無明覆蔽，無所覺了，無可愛樂。

於是一心專精，即於非有非無，常念不舍，則無所有處定便自謝滅。

加功不已，忽然真實定發，不見有無相貌，泯然寂絕，清淨無為，三界定相無有過者，是名非想非非想處天定。

（三界者，欲界、色界、無色界也。）

FROM: 【《三藏法數》明·一如等 撰】

2、【八定】

（術語）色界之四禪定與無色界之四空定也。

四禪定者，第一初禪定（新譯雲初靜慮次下同），得生於初禪天之禪定也，此定具尋與伺之二心所，喜與樂之二受。

第二第二禪定，得第二禪天生果之禪定也，此定無尋伺，但有喜樂之二受。

第三第三禪定，得第三禪天

生果之禪定也，此定但有樂受。

第四第四禪定，得第四禪天生果之禪定也。此定離尋伺喜樂，最為寂靜。

四空定者，第一空無邊處定，可生無色界空無邊處之禪定也。

此乃作空為無邊解，破一切色相之禪定，故名無邊。

第二識無邊處定，可生無色界識無邊處之禪定也。此乃作識為無邊解，破第一空無邊能觀心相之禪定，故名識無邊。

第三無所有處定，可生無色界無所有處之禪定也。此乃作所觀能觀皆為無所有解之禪定，故名無所有。

第四非想非非想處定，可生無色界有頂天即非想非非想處之禪定也，此禪定極為寂靜，心想雖有如無，故名非想非非想。見俱舍論二十八。

FROM:【《佛學大辭典》 【丁福保 編】】

3、【八定根本】

（名數）四禪四無色之八定，各有根本與近分二種。

根本定者，如離欲界之修惑，得色界之初禪定，乃至斷無所有處地之修惑，得非想非非想處之禪定。

總為離下地之修惑，而得上地之禪定也。

近分定者，若但伏壓下地修惑，所得之禪定，則謂之近分定，是有近似根本之功能，故曰近分。

而得之之順序，先近分定，後根本定也。

七十五法名目曰：“根本定離下地煩惱得之，近分定伏下地煩惱得之。（中略）上二界合八根本八近分也。”

FROM:【《佛學大辭典》 【丁福保 編】】

4、【四禪八定】

（術語）四禪者，色界之四禪也。

八定者，色界之四禪與無色界之四無色定也，對欲界之散而總謂之定，重言之則如言詩書六經也。

止觀九曰：“四禪八定，毗曇成實明之委細。”

同輔行曰：“言四禪八定者：四在八數，重兼列者。若色無色相對則色禪為禪，無色為定。

若總以上界望於下欲則上上二界俗名定地，下欲為散。”

FROM:【《佛學大辭典》 【丁福保 編】】

5、【四禪八定】

四禪（梵 catva^{ri}-dhyā^{na}^ni），又作四靜慮、色界定。即色界天之四禪。

色界天之四禪與無色界天之四無色定，合之而成八定，故知八定包含四禪。

四與八並舉者，蓋色界與無色界相對，則在色界為“禪”，在無色界為“定”；

若以色界、無色界相對於欲界之“散”，則色及無色二界，皆稱為“定”。

故合色界之四禪定與無色界之四無色定，而稱之為八定。

又若區別色界及無色界之禪定，則色界之禪定“定、慧均等”，無色界之禪定，其相微細而“定多慧少”。

〔瑜伽師地論卷十一、摩訶止觀卷九〕（參見：四無色定）1772、“四禪”1843）p1845

FROM:【《佛光大辭典》（第三版）】

七、九次第定 煉禪 1-7

1、【九次第定】

（名數）四禪，四無色，及滅受想定（亦云滅盡定），九種之禪定，不雜他心，次第自一定入於一定之法。

一、初禪次第定。二、二禪次第定。三、三禪次第定。四、四禪次第定（已上名色界四禪天之根本定）。

五、空處次第定。六、識處次第定。七、無所有處次第定。八、非想非非想處次第定（已上名無色界四處之根本定）。

九、滅受想定次第定，止息一切心識之定，以是為禪定之至極。

智度論三十一曰：“九次第定者：從初禪心起，次第入第二禪，不令餘心得入，如是乃至滅受想定。

問曰：餘者亦有次第，何以但稱九次第？

答曰：餘功德皆有異心間生，故非次第。此中深心智慧利行者，自試其心，從一禪心起，次入二禪，不令異念得入。”

同八十一曰：“入初禪，乃至過非想非無想處，入滅受想定，是名次第定。”

又見大乘義章十三，三藏法數三十四等。

FROM:【《佛學大辭典》 丁福保 編】

2、【九次第定】

〔出法界次第〕

九者，自初禪至滅受想定，凡九種也。

次第者，謂人若入禪時，智慧深利，能從一禪又入一禪，如是次第而入，心心相續，不生異念，無間無雜；定者，攝心不亂也。

〔初禪次第定〕，謂人修禪定，離欲界惡不善法，有覺有觀，離生喜樂，定觀均齊，其心次第而入，無有雜念間隔也。

（有覺有觀者，初心在緣曰覺，細心分別禪味曰觀，即是初禪之定相。

離生喜樂者，慶悅之心名為喜，恬淡之心名為樂；初禪既離欲界惡不善法，故生此喜樂也。定觀均齊者，觀即是慧，所謂定慧平等也。）

〔二禪次第定〕，謂人修禪定，從初禪入二禪時，一心無覺無觀，定生喜樂，其心次第而入，無有雜念間隔也。

（無覺無觀者，既入二禪，即離初禪覺觀動散也。定生喜樂者，既無覺觀，攝心在定，則生喜樂，此即二禪之定相也。）

〔三禪次第定〕，謂人修禪定，從二禪入三禪時，離喜行舍，而受身樂，唯聖人能說，而復舍念行樂，其心次第而入，無有雜念間隔也。

（離喜行舍者，謂厭離二禪大喜動散，攝心不受也。受身樂者，既離二禪之喜，而身受三禪之樂也。

聖人能說者，此樂極勝，超過一切之樂，非凡夫所知也。舍念行樂者，謂能捨二禪之喜念，而行三禪之樂也。）

〔四禪次第定〕，謂人修禪定，從三禪入四禪時，斷喜樂故，不喜不樂，其心次第而入，無有雜念間隔也。

（斷喜樂者，謂斷二禪之喜，及三禪之樂也。不喜不樂者，謂心無善惡，寂然平等，即是四禪之定相也。）

〔五、虛空處次第定〕，謂人修禪定，從色界入無色界。則滅一切色相，不念種種異相，入無邊虛空處，其心次第而入，無有雜念間隔也。

（滅一切色相者，謂滅根境可見、可對一切色相也。既得四禪定已，猶厭色界色質為礙，不得自在。

於是心求出離，滅一切色相，而修虛空處定，心與虛空之法相應，則不念種種異相也。）

〔六、識處次第定〕，謂人修禪定，既得虛空處定已，心緣虛空，虛空無邊，緣多則散，能破於定；即舍虛空，轉心緣識。

心與識法相應，則過一切無邊虛空處，入一切無邊識處。其心次第而入，無有雜念間隔也。

（過一切無邊虛空處者，既入識處，則超過虛空處也。）

〔七、無所有處次第定〕，無所有處者，即不緣一切內外境界也。

謂人修禪定，既得識處定已，三世心識，無量無邊，緣多則散，能破於定。

即舍所緣之識，轉心緣無所有處，其心次第而入，無有雜念間隔也。

（內外境者，內即識處，外即虛空處也。三世者，過去、現在、未來也。）

〔八、非想非非想次第定〕，非想者，非識處之有想也，非非想者，非無所有處之無想也。

謂人修禪定，既得無所有處定已，深知無想處如癩，有想處如癰如瘡，即舍無所有處，緣念非有想非無想之法。其心次第而入，無有雜念間隔也。

（如癩者，譬無心想也；如癰如瘡者，有痛即覺，譬有心想也。）

[九、滅受想次第定]，滅受想者，即受想心滅，而不復起也。

謂人修禪定，從非有想非無想入滅受想定時，其心明利，次第而入，無有雜念間隔，是為滅受想次第定。

若得此定，不久即證阿羅漢果也。

（梵語阿羅漢，華言無學，又云無生。）

FROM: 【《三藏法數》明·一如等 撰】

3、【九次第定】

梵語 nava^nupu^rva-sama^pattayah!。意為次第無間所修之九種定。又稱無間禪或煉禪。

指色界之四禪、無色界之四處及滅受想定等九種禪定。

以不雜他心，依次自一定入於他定，故稱次第定。

分別為初禪次第定、二禪次第定、三禪次第定、四禪次第定、空處次第定、識處次第定、無所有處次第定、非想非非想處次第定及滅受想次第定等。

深心智慧利之行者，自試其心，從初禪心起入二禪，不令異念得入，乃至入滅受想定，止息一切心識，是達禪定之至極。

如是異念無間雜，亦稱無間禪。

又以此禪煉諸味禪，使之清淨，譬如鍊金，故稱煉禪。

[大智度論卷二十一、卷八十一、大乘義章卷十三、大明三藏法數卷三十四] p134

FROM: 【《佛光大辭典》（第三版）】

4、【九次第定(梵 nava^nupu^rva-sama^pattayah!)】

指次第無間所修的九種禪定。又稱無間禪或煉禪。

即色界的四禪定（初禪次第定、二禪次第定、三禪次第定、四禪次第定）、無色界的四處（虛空處次第定、識處次第定、無所有處次第定、非想非非想處次第定）以及滅受想次第定。

依《釋禪波羅蜜次第法門》卷十載，離諸欲，離諸惡不善法，有覺有觀離生喜樂入初禪，如是次第入二禪乃至滅受想定，即名九次第定。

該書又載（大正 46·546b）：

‘今此九法皆轉名次第定者，上來諸法門既觀行未熟，入禪時心有間故，不名次第定也。

行者定觀之法先已成就，今於此中修煉既熟，能從一禪心起，次入一禪心心無間，不令異念得入，若善若垢。

如是乃至滅受想定，是名九次第定，亦名煉禪，所以者何？

諸佛弟子心樂無漏先得諸味禪，今欲除其滓穢以無漏禪煉之，皆令清淨如鍊金之法。’

依《法界次第初門》卷中所載，此九次第定之內容略如下列：

(1)初禪次第定：離諸欲惡不善法，有覺有觀，離生喜樂，入初禪定時，是中初禪定觀均齊；自識其心，其以次第而入無有剎那雜念；間入初禪定，是為初禪次第定。

(2)二禪次第定：若從初禪，入二禪時，是中二禪定觀均齊；自識其心，其心次第而入，無有剎那雜念間入二禪定，是為二禪次第定。

(3)三禪次第定：略如初禪二禪中所述。

(4)四禪次第定：略如初禪二禪中所述。

(5)虛空處次第定：略同初禪二禪中所述。

(6)識處次第定：略如初禪二禪中所述。

(7)無所有處次第定：略同初禪二禪中所述。

(8)非有想非無想處次第定：略同初禪二禪中所述。

(9)滅受想定次第定：若從非有想非無想，入滅受想定時，於是定前，自識其心，要期心利，心心次第而入，無有剎那雜念間入滅受想定；是為滅受想定次第定。

【參考資料】 《法華玄義》卷四之（上）；《大智度論》卷二十一、卷八十一；《大乘義章》卷十三；《大明三藏法數》卷三十四。

FROM:【《中華佛教百科全書》【藍吉富 主編】】

5、【九次第定】

一初禪 二二禪 三三禪 四四禪 五空處 六識處 七無所有處 八非有想非無想處 九滅受想定次第定

次六通而辯九次第定者。上所明禪。雖體用具足。而並是觀禪。未明練熟調柔之相。今欲修練觀禪體用。令純熟入體。及起時心無間念。故次明也。通言次第定者。若入禪時。深心智慧深利。能從一禪入一禪。心心相續。無異念間。雜故名次第定也

初禪次第定 離諸欲惡不善法。有覺有觀。離生喜樂。入初禪定時。是中初禪定觀均齊。自識其心。其心次第而入無有剎那雜念。間入初禪定。是為初禪次第定

二禪次第定 若從初禪。入二禪時。是中二禪定觀均齊。自識其心。其心次第而入。無有剎那雜念間入二禪定。是為二禪次第定

三禪次第定 意類如初禪二禪中明

四禪次第定 意亦類如初禪二禪中明

五虛空處次第定 意亦類同初禪二禪中明

六識處次第定 意亦類如初禪二禪中明

七無所有處次第定 意亦類同初禪二禪中明

八非有想非無想處次第定 意亦類同初禪二禪中明

九滅受想定次第定 若從非有想非無想。入滅受想定時。於是定前。自識其心要期心利。心心次第而入。無有剎那雜念間入滅受想定。是為滅受想定次第定也

FROM:【《法界次第初門》【隋·智顗 撰】】

6、【煉禪】

‘九次第定’：三藏法數雲：‘九者，自初禪至滅受想定凡九種也。次第者，謂人若入禪時，智慧深利，能從一禪，又入一禪。如是次第而入，心心相續，不生異念，無間無雜。定者，攝心不亂也。’

一、初禪次第定 謂人修禪定，離欲界惡不善法，有覺有觀，離生喜樂，定觀均齊。其心次第而入，無有雜念間隔也。

二、二禪次第定 謂人修禪定，從初禪入二禪時，一心無覺無觀，定生喜樂。其心次第而入，無有雜念間隔也。

三、三禅次第定 谓人修禅定，从二禅入三禅时，离喜行舍而受身乐，唯圣人能说，而复舍念行乐。其心次第而入，无有杂念间隔也。

四、四禅次第定 谓人修禅定，从三禅入四禅时，断喜乐故，不喜不乐，其心次第而入，无有杂念间隔也。

五、虚空处次第定 谓人修禅定，从色界入无色界，则灭一切色相，不念种种异相，入无边虚空处。其心次第而入，无有杂念间隔也。

六、识处次第定 谓人修禅定，既得虚空处定已，心缘虚空，虚空无边，缘多则散，能破即定，于舍虚空，转心缘识，心与识法相应，则过一切无边虚空处，入一切无边识处。其心次第而入，无有杂念间隔也。

七、无所有处次第定 无所有处者，即不缘一切内外境界也。谓人修禅定，既得识处定已，三世心识，无量无边，缘多则散，能破于定，即舍所缘之识，转心缘无所有处。其心次第而入，无有杂念间隔也。

八、非想非非想次第定 非想者，非识处之有想也。非非想者，非无所有处之无想也。谓人修禅定，既得无所有处定已，深知无想处如痴，有想处如痼如疮，即舍无所有处，缘念非有想非无想之法。其心次第而入，无有杂念间隔也。

九、灭受想定次第定 灭受想者，即受想心灭，而不复起也。谓人修禅定，从非有想非无想，入灭受想定时，其心明利。次第而入，无有杂念间隔，是为灭受想定次第定。若定此定，不久即证阿罗汉果也。

FROM:【《佛學次第統編》楊卓 編】

7、【煉禪】

又作練禪、九次第定。為觀、煉、薰、修等四種禪之第二。即指四禪定、四無色定、滅盡定等九種禪定。

修觀禪可得色、無色八定。

入煉禪時，此八定仍殘存垢滓，故須由淺入深，次第澄清垢滓，以除其穢；

此種修煉有漏定與無漏定以除其間穢之禪，即是煉禪。

〔釋禪波羅蜜次第法門卷十〕（參見：九次第定）134）p6524

FROM:【《佛光大辭典》（第三版）】

八、灭尽定 1-19

1、【滅盡定】

（術語）梵語 Nirodhasamaṃpatti，又名滅受想定。二無心定之一。滅盡六識心心所而不使起之禪定也。

不還果已上之聖者，為假入涅槃之想而入於此定，極長者為七日，屬於非想天，外道所入之無心定，名為無想定，屬於第四禪。

俱舍論五曰：“如說復有別法，能令心心所滅，名無想定。如是復有別法，能令心心所滅，名滅盡定。”

大乘義章二曰：“滅盡定者，謂諸聖人患心勞慮，暫滅心識。得一有為非色心法，領補心處，名滅盡定。”

同九曰：“滅受想者，偏對受想二陰彰名。想絕受亡，名滅受想。滅盡定者，通對一切心心數法以彰名也。心及心法一切俱亡，名為滅盡。”

FROM:【《佛學大辭典》 【丁福保 編】】

2、【滅盡定】

謂入此定時，一切受領思想之心，一時滅盡，都無見聞覺知，出入之息亦盡，是名滅盡定無心。

FROM:【《三藏法數》明·一如等 撰】

3、【滅盡定】

p1212

瑜伽三十三卷十五頁雲：若諸聖者、已得非想非非想處，復欲暫時住寂靜住。從非有想非無想處，心求上進。心上進時，求上所緣，竟無所得。無所得故；滅而不轉。如有學、已離無所有處貪，或阿羅漢、求暫住想作意為先，諸心心法滅；是名滅盡定。由是方便，證得此定。

二解 瑜伽五十三卷十三頁雲：複次云何滅盡定？謂已離無所有處貪，未離上貪；或復已離。由止息想作意為先故；諸心心所、唯滅靜，唯不轉。是名滅盡定。此定唯能滅靜轉識，不能滅靜阿賴耶識。當知此定、亦是假有；非實物有。此定差別、略有三種。下品修等、如前已說。若下品修者，於現法退，不能速疾還引現前。中品修者，雖現法退；然能速疾還引現前。上品修者，畢竟不退。有學聖者，能入此定。謂不還身證。無學聖者、亦復能入。謂俱分解脫。前無想定、非學所入；亦非無學。何以故？此中無有慧現行故。此上有勝寂靜住及生故。又復此定、不能證得所未證得諸勝善法。由是稽留誑幻處故。

三解 瑜伽五十六卷一頁雲：依何分位、建立滅盡定？答：依已離無所有處貪，止息想作意為先，名滅分位；建立滅盡定。此復三種。自性者、唯是善。補特伽羅者、在聖相續。通學無學。起者、先於此起；後於色界，重現在前。托色所依，方現前故。此據未建立阿賴耶識教。若已建立；於一切處、皆得現前。

四解 顯揚一卷十四頁雲：滅盡定者：謂已離無所有處欲，或入非想非非想處定，或覆上進，或入無想定，或覆上進。由起暫息想作意前方便故；止息所緣。不恆現行諸心心法、及恆行一分諸心心法滅性。

五解 成唯識論七卷八頁雲：滅盡定者：謂有無學、或有學聖、已伏或離無所有貪，上貪不定；由止息想作意為先，令不恆行恆行染汙心心所滅；立滅盡名。令身安和，故亦名定。由偏厭受想，亦名滅彼定。修習此定、品別有三。下品修者、現法必退，不能速疾還引現前。中品修者、現不必退。設退，速疾還引現前。上品修者、畢竟不退。此定初修、必依有頂遊觀無漏為加行入。次第定中、最居後故。雖屬有頂；而無漏攝。若修此定、已得自在；餘地心後、亦得現前。雖屬道諦；而是非學非無學攝。似涅槃故。此定初起、唯在人中。佛及弟子、說力起故。人中慧解、極猛利故。後上二界、亦得現前。鄢陀夷經、是此誠證。無色亦名意成天故。於藏識教未信受者，若生無色，不起此定。恐無色心、成斷滅故。已信生彼，亦得現前。知有藏識、不斷滅故。要斷三界見所斷惑，方起此定。異生不能伏滅有頂心心所故。此定微妙，要證二空隨應後得所引發故。有義、下八地修所斷惑中，要全斷欲；餘、伏或斷；然後方能初起此定。欲界惑種、二性繁雜，障定強故。唯說不還三乘無學及諸菩薩、得此定故。彼隨所應、生上八地。皆得後起。有義、要斷下之四地修所斷惑，餘伏或斷；然後方能初起此定。變異受俱煩惱種子、障定強故。彼隨所應生上五地、皆得後起。若伏下惑，能起此定。後不斷退，生上地者；豈生上已，卻斷下惑。斷亦無失。如生上者，斷下末那俱生惑故。然不還者，對治力強；正潤生位，不起煩惱；但由惑種，潤上地生。雖所伏惑，有退不退；而無伏下生上地義，故無生上卻斷下失。若諸菩薩，先二乘位，已得滅定，後迴心者；一切位中，能起此定。若不爾者；或有乃至七地滿心，方能永伏一切煩惱。雖未永斷欲界修惑；而如已斷，能起此定。論說已入遠地菩薩、方能現起滅盡定故。有從初地，即能永伏一切煩惱，如阿羅漢。彼十地中，皆起此定。經說菩薩前六地中，亦能現起滅盡定故。

六解 雜集論二卷二頁雲：滅盡定者：謂已離無所有處欲，超過有頂，暫息想作意為先故；於不恆行諸心心所、及恆行一分心心所、滅，假立滅盡定。此中所以不言未離上欲者；為顯離有頂欲阿羅漢等、亦得此定故。一分恆行者：謂染汙意所攝。

七解 廣五蘊論十三頁雲：云何滅盡定？謂已離無所有處染，從第一有、更起勝進，暫止息想作意為先，所有不恆行及恆行一分心心法滅為性。不恆行、謂六轉識。恆行、謂攝藏識及染汙意。是中六轉識品及染汙意滅，皆滅盡定。

八解 如大毗婆沙論一百五十二卷四頁至一百五十四卷廣說。

九解 俱舍論五卷四頁雲：次滅盡定、其相云何？頌曰：滅盡定亦然。為靜住有頂。善二受不定。聖由加行得。成佛得非前三十四念故。論曰：如無想定，滅定亦然。此亦然聲、為例何義？例無想定心心所滅。如說：復有別法、能令心心所滅，名無想定；如是復有別法，能令心心所滅，名滅盡定。

FROM: 【《法相辭典》【朱芾煌 編】】

4、【滅盡定】

梵語 nirodha-sama[^]patti。又作滅受想定、滅盡三昧。心不相應行法之一，俱舍七十五法之一，唯識百法之一。

即滅盡心、心所（心之作用）而住於無心位之定。

與無想定並稱二無心定，然無想定為異生凡夫所得，此定則為佛及俱解脫之阿羅漢遠離定障所得，即以現法涅槃之勝解力而修入者。

聖者遠離無所有處之煩惱，其定之境地可喻為無餘涅槃之寂靜；故為入無心寂靜之樂者，乃依修此定，即可生無色界之第四有頂天。

諸宗派對此定有各種異說，如說一切有部主張此定別有實體；

但經量部、唯識宗等不認其為實法，唯於心、心所不轉之分位假立此定，唯識宗且以為在此定中未斷滅阿賴耶識；

分別論者則謂，入此定之聖者，其想與受已滅，然仍有細心未滅。

另據宗鏡錄卷五十五所舉，滅盡定與無想定有四種不同：

(一)證得者之異，即滅盡定為佛、羅漢所證出世間之定；無想定則為凡夫、外道所證世間之定。

(二)祈願之異，即滅盡定者唯求出世功德；無想定者則求世間樂果。

(三)感果與不感果之異，即滅盡定為無漏業，不感三界生死果報；無想定則為有漏業，能感無想天果報。

(四)滅識之異，即滅盡定能滅除第六識，兼能滅第七識之染分；無想定僅滅除第六識分別之見，其他諸邪見尚未能斷盡。

〔中阿含經卷五十八、品類足論卷一、大毗婆沙論卷一五二〕（參見：無想定）5124）p5509

FROM: 【《佛光大辭典》（第三版）】

5、【滅盡定（梵 nirodha-sama[^]patti[^]，藏 h!gog-pah!isn~oms-par h!jug-pa）】

指心與心所皆滅盡之定。即六識之心作用皆滅盡的精神統一狀態。又稱滅盡等至、滅受想定、滅定。

為心不相應行之一，七十五法之一，百法之一。

此定系遠離無所有處之煩惱的聖者（即不還果以上之聖者），為樂無心之寂靜境而入的定。

修此定，得生於無色界之第四有頂天。

《俱舍論》卷五雲（大正 29·25a）：‘有別法能令心、心所滅，名滅盡定。（中略）此滅盡定為求靜住，以止息想作意為先。前無想定在後靜慮，此滅盡定唯在有頂，即是非想非非想處。（中略）此滅盡定唯聖者得，非異生能起，怖異斷滅故，唯聖道力所能起故，現法涅槃勝解入故。’

此滅盡定與無想定合稱‘二無心定’，但無想定唯異生凡夫所得，此定則為佛及俱解脫阿羅漢遠離定障所得。

又，無想定系招感無想天中之五蘊異熟，此定則唯招有頂地之四蘊異熟。

有部主張此定別有實體，能久時令心、心所法滅，而且出定之心繫以前入定之心為等無間緣。

但是，經量部與唯識宗不認其為實法，唯於心、心所不轉之分位假立此定。

經量部更認為色心二法得之為種子，出定之心繫由有根身所生起。

唯識家謂於此定中，亦有阿賴耶識，如壽暖等不離其身。

此外，分別論者認為滅盡定唯滅想、受，仍有細心未滅，故名滅受想。

關於入定的期間，依《大毗婆沙論》卷一五三所述，欲界之有情由段食扶持諸根大種，故若久在定中，在定中不損身，但後來出定時身即散壞，因此入定期間不得超過七晝夜；而色界有情之諸根非由段食任持，故可經半劫或一劫。

◎附一：《瑜伽師地論》卷五十三（摘錄）

複次云何滅盡定？謂已離無所有處貪，未離上貪，或復已離。由止息想作意為先故；諸心心所唯滅靜，唯不轉，是名滅盡定。此定唯能滅靜轉識，不能滅靜阿賴耶識。當知此定亦是假有，非實物有。

此定差別略有三種。下品修等如前已說。若下品修者，於現法退，不能速疾還引現前。中品修者，雖現法退，然能速疾還引現前。上品修者，畢竟不退。有學聖者能入此定，謂不還身證。無學聖者亦復能入，謂俱分解脫。前無想定非學所入，亦非無學，何以故？此中無有慧現行故。此上有勝寂靜住及生故。又復此定，不能證得所未證得諸勝善法，由是稽留誑幻處故。

◎附二：《成唯識論》卷七（摘錄）

滅盡定者：謂有無學，或有學聖已伏或離無所有貪，上貪不定；由止息想作意為先，令不恆行恆行染汙心心所滅，立滅盡名。令身安和，故亦名定。由偏厭受想，亦名滅彼定。修習此定，品別有三。下品修者，現法必退，不能速疾還引現前。中品修者，現不必退，設退，速疾還引現前。上品修者，畢竟不退。

此定初修，必依有頂遊觀無漏為加行入。次第定中，最居後故。雖屬有頂，而無漏攝。若修此定已得自在，餘地心後，亦得現前。雖屬道諦，而是非學非無學攝，似涅槃故。此定初起，唯在人中。佛及弟子說力起故，人中慧解極猛利故，後上二界亦得現前，烏陀夷經是此誠證。無色亦名意成天故。於藏識教未信受者，若生無色，不起此定。恐無色心，成斷滅故。已信生彼，亦得現前。知有藏識不斷滅故。要斷三界見所斷惑，方起此定。異生不能伏滅有頂心心所故。此定微妙，要證二空隨應後得所引發故。

有義：下八地修所斷惑中，要全斷欲，餘伏或斷，然後方能初起此定。欲界惑種，二性繁雜，障定強故。唯說不還三乘無學及諸菩薩得此定故。彼隨所應，生上八地，皆得後起。有義：要斷下之四地修所斷惑，餘伏或斷，然後方能初起此定。變異受俱煩惱種子障定強故，彼隨所應生上五地皆得後起。若伏下惑，能起此定，後不斷退，生上地者；豈生上已，卻斷下惑。斷亦無失。如生上者，斷下末那俱生惑故。然不還者，對治力強，正潤生位，不起煩惱；但由惑種，潤上地生。雖所伏惑，有退不退，而無伏下生上地義，故無生上卻斷下失。

若諸菩薩先二乘位，已得滅定，後迴心者，一切位中，能起此定。若不爾者，或有乃至七地滿心，方能永伏一切煩惱。雖未永斷欲界修惑；而如已斷，能起此定。論說已入遠地菩薩方能起滅盡定故。有從初地，即能永伏一切煩惱，如阿羅漢。彼十地中，皆起此定。經說菩薩前六地中，亦能現起滅盡定故。

◎附三：《大毗婆沙論》卷一五二（摘錄）

問：何故二無心定中，惟滅盡定立為解脫，非無想定？脅尊者言：佛於諸法體相作用，了達究竟，餘不能知。若法有解脫相者，便即立之。無者，不立。複次滅盡定惟內法有，故立解脫。無想定惟外法有，故不立解脫。如內法、外法、聖法、異生亦爾。複次滅盡定，惟背雜染向清淨者相續中可得，故立解脫。無想定，惟背清淨向雜染者相續中可得，故不立解脫。如背雜染、向雜染，背生死、向生死，背流轉、向流轉，當知亦爾。

複次滅盡定，惟背我見向無我見者相續中可得，故立解脫。無想定，惟背無我見向我見者相續中可得，故不立解脫。複次滅盡定，惟背薩迦耶見向空觀者相續中可得，故立解脫。無想定，惟背空觀向薩迦耶見者相續中可得，故不立解脫。複次前說滅盡定由二因緣，立為解脫。(一)背一切所緣，(二)邊際心斷。無想定二事俱無，是故不立。

複次滅盡定，惟障諸界諸趣諸生者相續中可得，故立解脫。無想定，惟不障諸界諸趣諸生者相續中可得，故不立解脫。複次棄背諸有，名為解脫。滅盡定，棄背諸界諸趣諸生死流轉覺，無想定不爾。由此等緣，二無心定中，惟滅盡定立為解脫，非無想定。

〔參考資料〕 《中阿含經》卷五十八；《大毗婆沙論》卷一五四；《俱舍論》卷二十九；《順正理論》卷十二；《大乘阿毗達磨雜集論》卷二；《成唯識論》卷二、卷八；忽滑谷快天《禪學思想史》第二編第四章。

FROM: 【《中華佛教百科全書》【藍吉富 主編】】

6、【滅盡定】

此定為佛及俱解脫阿羅漢，遠離定障所得，即以現法涅槃之勝解力而修者。

因聖者遠離“無所有處”煩惱，若依修此定入無心寂靜樂，雖其想與憂已滅，但仍有細心想未滅。

據‘宗鏡錄’卷五十五(大正四十八～736B)：滅盡定與無想之不同，即：滅盡是聖人所證出世間禪定，而無想是凡夫外道之所證世間定而已。

FROM: 【《天台教學辭典》【釋慧嶽監修 釋會旻主編】】

7、【滅盡定】

為二十四不相應行法之一。此又名滅受想定，這是佛教聖者所修的禪定。

《百法直解》曰：“滅盡定者，三果以上聖人，欲暫止息受想勞慮，依於非想非非想定，遊觀無漏以為加行，乃得趣入，入此定已，前六識心及心所一切不行，惟第七識俱生法執，與第八識仍在，不離根身，依此身心分位假立。”

在《百法纂解》中則謂：“言滅盡定者，六識王所已滅，及七識染分心聚皆悉滅盡，乃此定相。”

修無想定，前六識不起現行，修滅盡定，兼滅第七識的染分心王心所。

FROM: 【《唯識名詞白話新解》【於凌波 著】】

8、【滅盡定】

滅盡定者，謂已離無所有處欲，超過有頂，暫息想作意為先故，於不恆行諸心心法及恆行一分心心法滅。

假立滅盡定，此中所以不言未離上欲者，為顯離有頂欲，阿羅漢等亦得此定故。一分恆行者，謂染汙意所攝。

FROM: 【《阿毗達磨辭典》【中華佛典寶庫 編】】

9、【四義——滅盡定與無想定四義不同】

〔出宗鏡錄〕

滅盡定者，謂受想心滅，出入息盡，身證此定，能斷見、思煩惱，而證聖果。

無想定者，謂能於定中心想不起，如冰魚蟄蟲，不能斷惑證入聖果。

故此二定，有四種勝劣之義也。

(見、思即見、思二惑也。謂意根對法塵起諸分別，名見惑；眼等五根對色等五塵起諸貪愛，名思惑也。)

[一、約得人異]，謂羅漢聖人，由受想心滅而證滅盡之定；外道凡夫由妄計無想以為至道，而證無想之定。

此之二定，有世間、出世間之不同，故云約得人異也。(受想者，受謂領受；想謂想像，即五陰中之二也。)

[二、祈願異]，謂入滅盡定者，則息諸想念，斷除貪愛之心，唯求出世功德；

入無想定者，則妄計心無想慮，以為解脫，唯求世間樂果，故云祈願異也。

[三、感果不感果異]，謂無想定，是有漏業，能感無想天果報；滅盡定，是無漏業，不感三界生死果報。故云感果不感果異也。

(三界者，欲界、色界、無色界也。)

[四、滅識多少]，謂滅盡定既滅第六識已，兼能滅第七識染分；無想定但滅第六識分別之見，而諸邪見則未能盡斷，故云滅識多少也。

(第六識即意識，第七識即傳送識，又云執我識。染分者，我痴、我見、我慢、我愛之四惑也。)

FROM: 【《三藏法數》明·一如等 撰】

10、【無想定與滅盡定差別】

p1094

俱舍論五卷四頁雲：

如是二定差別相者：

1、前無想定，為求解脫，以出離想作意為先；

此滅盡定，為求靜住，以止息想作意為先。

2、前無想定，在後靜慮；

此滅盡定，唯在有頂，即是非想非非想處，此同前定，性唯是善非無記染，善等起故。

3、前無想定、唯順生受；

此滅盡定，通順生後及不定受。謂約異熟、有順生受，或順後受，或不定受，或全不受。

謂若於下得般涅槃，此定所招，何地幾蘊？唯招有頂四蘊異熟。

4、前無想定，唯異生得；

此滅盡定，唯聖者得，非異生能起，怖畏斷滅故，唯聖道力所能起故，現法涅槃，解脫入故。

二解 大毗婆沙論一百五十二卷十頁雲：

問：無想定、滅盡定，有何差別？

答：名即差別：名無想定，名滅盡定。

複次界亦差別：謂無想定，色界系；滅盡定，無色界系。

複次地亦差別：無想定，在第四靜慮；滅盡定，在非想非非想處。

複次相續亦有差別：無想定，在異生相續；滅盡定，在聖者相續。

複次入無想定時，作出離想；入滅盡定時，作止息想。

複次入無想定時，唯厭於想；入滅盡定時，通厭想受。

複次入無想定時，唯欲滅想；入滅盡定，欲滅受想。

複次入無想定時，滅色界繫心心所法；入滅盡定時，滅無色界繫心心所法。

複次入無想定時，滅第四靜慮心心所法；入滅盡定時，滅非想非非想處心心所法。

複次無想定，招色界異熟；滅盡定，招無色界異熟。

複次無想定，招第四靜慮異熟；滅盡定，招非想非非想處異熟。

複次無想定，唯順生受異熟；滅盡定，順生後不定受異熟。故有差別。

尊者世友，作是問言：無想定、滅盡定，何差別？

答：一名無想定，一名滅盡定，故有差別。

又界、地、相續、想、厭、欲、業、所滅、異熟，皆有差別。廣說如上。

又異生入無想定，感無想處果；聖者入滅盡定，感有頂處果。

又無想定，令諸異生，受色界異熟果；滅盡定，令諸學者，受無色界異熟果，令無學者，受無色界等流果。

是謂無想定、滅盡定差別。

FROM:【《法相辭典》【朱芾煌 編】】

11、【滅盡定無為】

梵語 nirodha-sama[^]patti-asajskrta。又作想受滅無為。唯識宗六無為之一。

指禪定進入無色定之無所有處境界，六識心想及苦樂二受皆滅盡，此時所處之無為狀態，稱滅盡定無為。

[成唯識論卷二、大乘百法明門論疏卷下] ((參見:六無為)1294) p5510

FROM: 【《佛光大辭典》(第三版)】

12、【入滅盡定出滅盡定】 p0155

瑜伽十二卷二十一頁雲：

問：入滅定時，無有分別我當入定，我當出定。正在定時，心寂滅故，遠離加行。將出定時，心先滅故，亦無作意。云何能入？云何能出？

答：先於其心，善修治故。若有諸行諸狀諸相，能入於定，能出於定，於彼修習，極多修習。由修習故，任運能入，任運能出。

FROM: 【《法相辭典》【朱芾煌 編】】

13、【入滅盡定時有二種法多有所作】 p0156

瑜伽十二卷二十一頁雲：將欲趣入滅盡定時，有二種法，多有所作。

謂奢摩他，毗鉢舍那。云何奢摩他？云何毗鉢舍那？云何此二多有所作？

謂於此義中，八次第定，名奢摩他；所有聖慧，名毗鉢舍那。

於此二中，隨闕一種，即不能入滅盡等至。要具此二，方能趣入，是故此二，多有所作。

FROM: 【《法相辭典》【朱芾煌 編】】

14、【異生不能入滅盡定】 p1117

大毗婆沙論一百五十三卷八頁雲：

問：異生能入滅盡定不？尊者世友說不能入。契經說為聖者定故。若異生能入者，亦應名異生定。

有說：異生必欣上，地離下地染，如尺蠖蟲。非想非非想處，無上地可欣故，諸異生不能離彼染。

若不離彼見所斷染，必無有能入滅盡定。故諸異生，不能入此定。

有說：異生如如入定，則如是如是身心安息。由安息故，加行慢緩。是以不能入滅盡定。

大德說曰：異生不能入滅盡定。以諸異生，如如入定，則如是如是我見堅牢，怖邊際滅，起深坑想。是故不能入滅盡定。

FROM: 【《法相辭典》【朱芾煌 編】】

15、【菩薩不能入滅盡定】 p1133

大毗婆沙論一百五十三卷九頁雲：

問：菩薩為入滅盡定不？

答：尊者世友說不能入。契經說為聖者定故。若菩薩能入者，亦應名異生定。

有說：菩薩必欣上地，離下地染，如尺蠖蟲，廣說如前。

有說：菩薩能入此定。以諸菩薩，求一切智，於一切處，皆悉尋求。若當不能入此定者，何名尋求一切處耶。

大德說曰：菩薩不能入滅盡定。以諸菩薩，雖伏我見，不怖邊際滅，不起深坑想。

而欲廣修般羅若故，於滅盡定，心不樂入，勿令般若有斷有礙。設雖有能，而不現入。此說菩薩未入聖位。

FROM:【《法相辭典》【朱芾煌 編】】

16、【滅盡定獨名解脫】p1215

大毗婆沙論一百五十二卷九頁雲：

問：何故二無心定中，惟滅盡定，立為解脫，非無想定？

脅尊者言：佛於諸法體相作用，了達究竟，餘不能知。若法有解脫相者，便即立之，無者不立。

複次滅盡定，惟內法有，故立解脫；無想定，惟外法有，故不立解脫，如內法、外法，聖法、異生，亦爾。

複次滅盡定、惟背雜染向清淨者相續中可得，故立解脫；無想定、惟背清淨向雜染者相續中可得，故不立解脫。

如背雜染、向雜染，背生死、向生死，背流轉、向流轉，當知亦爾。

複次滅盡定，惟捨我見向無我見者相續中可得，故立解脫；無想定、惟背無我見向我見者相續中可得，故不立解脫。

複次滅盡定，惟背薩迦耶見向空觀者相續中可得，故立解脫；無想定，惟背空觀向薩迦耶見者相續中可得，故不立解脫。

複次前說滅盡定，由二因緣，立為解脫：一、背一切所緣，二、邊際心斷；無想定，二事俱無，是故不立。

複次滅盡定，惟障諸界諸趣諸生者相續中可得，故立解脫；無想定，惟不障諸界諸趣諸生者相續中可得，故不立解脫。

複次棄背諸有，名為解脫。滅盡定，棄背諸界諸趣諸生生死流轉覺，無想定不爾。由此等緣，二無心定中，惟滅盡定，立為解脫，非無想定。

FROM:【《法相辭典》【朱芾煌 編】】

17、【入滅盡定識不離身】p0155

攝論一卷十五頁雲：又入滅定，識不離身。聖所說故。

此中異熟識，應成不離身。非為治此，滅定生故。又非出定，此識復生。由異熟識，既間斷已，離結相續，無重生故。

又若有執，以意識故，滅定有心。此心不成。定、不應成故。所緣、行相、不可得故。應有善根相應過故。

不善、無記、不應理故。應有想受現行過故。觸可得故。於三摩地，有功能故。應有唯滅想過失故。

應有其思，信等善根，現行過故。拔彼能依，令離所依，不應理故。有譬喻故。如非遍行，此不有故。

又此定中，由意識故，執有心者，此心是善不善無記，皆不得成。故不應理。

FROM:【《法相辭典》【朱芾煌 編】】

18、【滅盡定中識不離身】p1215

瑜伽十二卷二十一頁雲：

問：滅盡定中，諸心心法，並皆滅盡。云何說識不離於身？

答：由不變壞諸色根中，有能執持轉識種子阿賴耶識，不滅盡故；後時彼法、從此得生。

二解 成業論十一頁雲：如契經言：處滅定者、身行皆滅；廣說乃至根無變壞，識不離身。今此位中，許有何意？

有說：此有第六意識。豈經不說意法為緣，生於意識，三和合觸，與觸俱起，有受想思。云何此位得有意識，而無三和？

或有三和而無有觸？或復有觸而無受想？由是說名滅受想定。

有作是釋：如何世尊說受緣愛，而一切受、非皆愛緣。觸亦應爾。非一切觸、皆受等緣。世尊餘經自簡此義。

謂無明觸所生諸受為緣生愛。曾無有處簡觸生受。無簡別故；非為善釋。有別釋言：三和觸者：三事有力，合故觸生。於此位中，三事無力可能生觸、及生受想。由入定心、所厭壞故。正在定位、尚無有觸，況有受想。故此位中，唯餘意識；無諸心所。若爾；此位意識是何？為善，為染，為無記性？設爾；何失。若善性者；如何善性、非無貪等善根相應。設無貪等善根相應。如何無觸。若謂由善等無間緣所引發故，此識善者；理不應然。善心無間生三心故。又善根力所引善心、無因能遮無貪等故。又無善根、應不成善。然此滅定、如滅是善。若染性者；如何染性、不與貪等煩惱相應。設與貪等煩惱相應；如何無觸。如佛於彼十問經中，自作是說：所有受蘊想蘊行蘊、皆觸為緣。又無想定、尚不許染；況滅盡定。若是無覆無記性者；為異熟生？為威儀路？為工巧處？為能變化？設爾；何失。若異熟生；如何有頂定心無間，此下八地、中間懸隔，而起欲界異熟生心。如何復從此心無間，而得現起不動等心。如摩訶俱舍羅契經中、作如是問：出滅定時、當觸幾觸？答言：具壽，當觸三觸。謂不動觸、無所有觸、及無相觸。又異熟心、宿業所引。有何道理，由滅定前，要期勢力，令彼出定，時限不過。復有何緣，要於有頂緣滅為境定心邊際，欲界宿業習氣所引異熟果心、方得現起；非於前位。又何以緣、於此所起異熟生色、斷已，不續；異熟生心、斷而更續。若威儀路，或工巧處，或能變化，如何此心緣威儀等、無觸而能有所造作。又許所修九次第定，及八解脫、體皆是善；不應此位，現起染汙，或無記心。又用有頂緣滅為境寂靜思惟定為依止，方能現入滅受想定。如摩訶俱舍羅契經中，依滅盡定作如是問：幾因幾緣為依，能入無相界定？答言：具壽；二因二緣為依，能入無相界定。謂不思惟一切相，及正思惟無相界。若滅定中有意識者；此緣何境？作何行相？若緣滅境，作靜行相；如何非善。設是善者；如何不許與無貪等善根相應；設許相應；如何不許觸為緣起。若緣餘境作餘行相；如何入滅定心無間，起散亂心，而不違理。設自計度、有餘無記；由此二因，亦不應理。是故汝等不如實知阿笈摩義，縱情妄計第六意識、滅定等有；由是而執此位有心。若爾；云何許滅盡定等諸無心位、亦有心耶？應如一類經為量者，所許細心，彼位猶有。謂異熟果識，具一切種子。從初結生，乃至終歿。展轉相續，曾無間斷。彼彼生處，由異熟因品類差別，相續流轉；乃至涅槃，方畢竟滅。即由此識無間斷故；於無心位，亦說有心。餘六識身、於此諸位，皆不轉故；說為無心。由滅定等加行入心增上力故；令六識種、暫時損伏，不得現起；故名無心。非無一切。心有二種。一、集起心。無量種子集起處故。二、種種心。所緣、行相、差別轉故。滅定等位，第二心闕，故名無心。如一足床，闕餘足故；亦名無足。彼諸識種被損伏位，異熟果識，剎那剎那，轉變差別。能損伏力，漸劣漸微，乃至都盡。如水熱煎，引燒發力，漸劣漸微，至都盡位；識種爾時，得生果便，初從識種，意識還生。後位隨緣，餘識漸起。


FROM: 【《法相辭典》】朱芾煌 編】

19、【滅盡定中識不離身證】p1216

成唯識論四卷二頁雲：

又契經說：住滅定者，身語心行，無不皆滅，而壽不滅；亦不離暖；根無變壞；識不離身。若無此識；住滅定者，不離身識，不應有故。謂眼等識，行相粗動，於所緣境，起必勞慮。厭患彼故；暫求止息。漸次伏除，至都盡位，依此位立住滅定者。故此定中，彼識皆滅。若不許有微細一類恆遍執持壽等識在；依何而說識不離身。如彼卷二頁至六頁廣說為破釋。

FROM: 【《法相辭典》】朱芾煌 編】



无色界

色界

欲界

四禅

三禅

二禅

初禅

非想非非想处天寿命八万大劫
无所有处天寿命六万大劫
识无边处天寿命四万大劫
空无边处天寿命二万大劫

五净居天

色究竟天寿命一万六千大劫
善现天寿命八千大劫
善见天寿命四千大劫
无热天寿命二千大劫
无烦天寿命一千大劫
无想天、广果天寿命各五百劫
摄生天寿命二百五十劫
无云天寿命一百二十五劫
广净天寿命六十四劫
无量净天寿命三十二劫
少净天寿命一十六劫
光明天寿命八大劫
无量光天寿命四大劫
少光天寿命二大劫
大梵天寿命一中劫半
梵辅天寿命一中劫
梵众天寿命半中劫

彼上诸天无量殿

从四大天王的本住处四
层级下到南瞻部洲之间有三
四万由旬，四层级上至三
十三天也有四万由旬；三
十三天至离净天之间有三
万由旬；离净天至兜率天
……依此类推

依警高
空而居以
住天上

依警切
山地而居以
住天下

器世最下风轮厚
十六洛叉广无数
水深一百二十万
尔后深度八十万
剩余凝结成金轮
水轮金轮之直径
一百二十万三千
四百五十周三倍

佛說十法界圖解

心字說
三點如星象
橫鉤似月斜
被毛徒此得
作聖亦由他

若人欲了知
三世一切佛
應觀法界性
一切唯心造
華嚴偈



勸善語
善心神人喜
惡心鬼畜恨
善心得善福
惡心受惡禍

靈心向天上
惡心向地下
靈心人恭敬
惡心人怨恨
勸善語

十善(惡)業

- 一，不殺生，愛護動物，而放生，仁德也。
- 二，不偷盜，非義財務，不貪取，是義德。
- 三，不邪淫，遵紀梵行，不淫亂，守禮德。
- 四，不妄言，說誠實話，守信人，是信德。
- 五，不綺語，勿談穢話，說善言，正君子。
- 六，不兩舌，不弄是非，勸和是，善種子。
- 七，不惡口，不說壞話，柔順語，守口德。
- 八，不貪，慈悲施捨，種福田，富之本。
- 九，不瞋，不忿恨人，不無明，怨怒人。
- 十，不愚癡，正信因果，不邪教，信為真。